



高太史大全集卷之六

吳郡高啓季迪著

南州徐庸用理編

五言古詩

賦得貞娘墓送蟾上人之虎丘

述上人小菴色相終壞滅。佳人能久妍。斷碑山寺裏。小塚竹林邊。

蘭葉春風帶。苔花暮雨鈿。情留吳苑客。夢逐楚臺仙。

高僧方宴坐。身在散花天。音諧似律

友竹軒雜平自直

世人務結託。車馬紛交馳。言笑雖強歡。衷懷詎相知。

引頗惡詩身直

不脫不粘善于語言

從友字細批之於字款

左雁起處收章法
簡潔

寓館詩起法不雁
少是為相

維平自合和

中林有君子。淡然夙與期。虛心兩無阻。榮悴焉可移。
朝尋披煙迳。暮對褰風帷。非君此為偶。誰共歲宴時。

遷婁江寓館

青邱寓館在婁江。固允一處。玩大夏二句。在寓館亦并不堪。

寓形百年內。行止固無端。我生甫三九。東西宜未闌。
去年宅山陞。今年徙江干。野性崇險陋。經營唯苟完。
閒窓俯平疇。幽扉臨遠湍。豈忘大厦屋。弗稱非所安。
披襟始來茲。霜露凄以寒。誰云遠相愛。弟子相與歡。
室中有名酒。歲暮聊盤桓。乃係年成考。刑

雪夜懷周著作

燈照竹林雪。寢齋寒更空。窓間成獨坐。遙想故人同。

不有孫吟興。寧度此宵中。

登西城門

登城望神州。風塵暗淮楚。江山帶睥睨。烽火接樓櫓。
并吞何時休。百骨易寸土。向來禾黍地。雨露長榛莽。
不見征戰場。那知邊人苦。馬驚西風笳。鳥散落日鼓。
嗚嗚城下水。流恨自今古。

期家无宿東湖民家不至

東湖欲上月。寒鳥已棲煙。何處相期宿。柴門汀樹邊。
未嘗新漉酒。猶望遠來船。誰信姜肱被。今宵還獨眠。

送陶兵曹之越

清穆却極平

清利婉轉

收轉自家字法完

高齋掩林雪。獨卧玄景暮。夫君定何聞。此日勞我顧。
 清言一歡然。孰云昧平素。方期締深約。幽抱終以布。
 胡為遽嚴裝。明發首東路。手持三公檄。新辟當遠赴。
 薄祿豈足羈。知君為親故。况茲旬踐邦。山水夙所慕。
 湖月文棹來。谷迥寒鍾度。留滯自成悲。無因共遊鶩。
 豐城余君夢彩堂。云漢氣後見元人。

楚客身未歸

悠悠念庭闈

楚客身未歸。悠悠念庭闈。濟江雖云廣。莫阻魂夜飛。

秋陰天無星。猿叫楓樹稀。家山修已到。不夫舊路微。

宛然在高堂。獻笑試舞衣。烏知空館曙。鍾動殘燈輝。

難追夢中歡。益發覺後啼。誰能傳爾翼。遠去成相依。

字細休

源遠字都不易

平

過東氏廢園
 人間樂事變。池上高臺傾。歌堂杏梁壞。射圃菜畦成。
 不見妓影。詎聞賓履聲。來斯欲攄抱。念昔反傷情。

送倪雅

交游結深歡。離別生遠念。聊持毛子檄。暫脫劉生劍。
 南風柳下亭。杯動江色灩。山遙馬望驛。日落蟬鳴店。
 此去漸成名。驅馳若勿厭。

同徐山人賁過妙蓮佛舍訪王主簿

逸人如高僧。傲吏同隱尉。閑房對清夏。共挹池荷氣。
 煙帷栖鷓鴣。風鐸驚禽畏。明日雨還來。山櫻當孰未。

引盡山此亦頗不
難

題帶經漂麥二圖

朝鋤東臯上暮鋤西陂側釋耒讀遺經欣然此休息
因觀舜稷事耕稼寧辭力
田中刈麥罷把卷忘其疲風雨忽云至千穗漂無遺
於書苟有得歲宴何憂飢

秋日山中

山澤含霧雨偶來若昼夷我無遠遊志何與親愛離
暑退初可喜秋來轉堪悲壯顏豈草木憔悴同此時
中心與百憂日暮如有期悄悄出空宇悠悠適荒陂
阮窮勿復歎天欲昌吾詩 辛卯

用徑字都不為

宿幻住棲雲堂

窓白鳥聲曉殘鍾度溪水此時幽夢迴獨在空山裏
松岩留佛燈藥地響僧履余心方正寐無使群動起

送賈鳳進士

新逢洛陽客握手共遊般如何異鄉土乃得此交歡
相逢既不易相違亦良難驅馬文云返北風野多寒
登高望山川浮雲香漫漫群獸相歸呼哀音摧心肝
遊子念高堂歲晚身得安人生如蓬萍飄流無定端
重合諒有日長歌聊自寬

寄王七孝廉乞猫

次說送說說聚

通体做佛

鼠類固甚繁。家有偏狡。猶厥質亦陋。微朋聚。工造怪。
舞庭欲呈妖。憑社期免。敗饒同善。飯頗暴。比橫行。噲。
倉偷自詫肥。穴竄寧。諱隘唯思。淮南舉。不悟河東。戒。
嗟余守窮僻。有屋如。葵解公然。肆相欺。遠告來。別界。
啾啾鳴索。頻率率。緣幙快。伺暗忘。燈然聞。腥喜食。餒。
空林印。疑塵高。壁墮墮。塊核遺。繁果亡。汁覆。翬。壘。壞。
轟霆駭。怒聞急。雨疑流。最書。殘費。補粒。裊。澹。煩。烘。曬。
入廁客。驚吁。守舍奴。憂誠。豈無老。烏。圓。昔。壯。今。何。憊。
不修司。捕職。垂頭象。瘡。噴。難。求。許。違。符。莫。具。張。湯。搗。
尋蹊漫。設機。薰。隧。徒。吹。蒲。遂。令。不。眠。人。中。夜。長。抑。噫。

君家產樹蟬。許贈不以賣。願得縱驅擒。淨若刈管蒯。
盡殺豈匪仁。去害容少懈。高枕幸無苦。君惠當再拜。

送客至海上得誠字

卧旒困田子。抱關老侯生。豈無一時辱。終有千載名。
子亦屈身者。薄祿非所榮。結驩誰云淺。一杯吐衷誠。
艱難我何託。所託在友朋。平生不傍離。此離骨為驚。
白日川上沒。歌作變徵聲。明朝欲觀海。浩蕩逐東征。

冬至夜坐懷周記室

夜聞鷺鷥來。一室寒且靜。明朝日長至。夜漏方最永。
淒淒霜塗階。皎皎冰入井。故人昔同宿。杯酒笑相領。

絕無結撰作

結尾放出破押海上身

收村前二裁結

本字人初雪体紙字帳
字精細

點知字各痕

在村喜字收學

可反日遊憩精微
待抄不字年

以下者不著引

年運方重周歡事忽盡屏別離孰無有爾獨限殊境
達曙恨難裁殘燈兀孤影

賦永上人紙帳

刻藤裁素幃坐使諸塵隔冬室自生溫寒窓屢驚白
不隨直省被長覆棲禪筭思曾雪夜時宿伴山中客

初開北窓晚酌時寓江上外舅周隱君宅

春暄罷淒風朝始開北牖青山入吾座不異迤故友
自掃榻上塵琴冊列左右悠然坐其間傲兀醉杯酒
况當江花落微雨斜日後遠見帆度川高聞鳥鳴柳
孰云非吾廬居止亦可久人生處一席累榭復何有

幽懷悟澹泊末事辭紛揉更擬長夏眠風期結陶叟

夏日與高廉遊魚量佛院還憇上隱君池上

久卧困炎燠煩抱思一浣霽雨留暫涼言出欣子伴
悠悠去景得梢梢來迹斷已尋名僧廬復謁高士館
蒲荷共南風池上新葉滿步陰覺衣輕汲冷嫌綆短
幸無塵中役樂此林下款鳴蜩嘒斜陽歸駕猶可緩

曉起春望

今朝有春意原野晴始綠疎花未破煙新禽稍鳴旭
物情各欣榮客意胡刺促屋閒厭寂寞從士愁羈束
兩事不可齊人生苦難足安得長放歌花開酒醅熟

畫不似到

亦序詞意涉平

收底平

終各在句

草：体極字精細

收極他

陳氏秋容軒

引中文字不至体以

西郊莽迢遞川樹凝煙景雨過落紅藥斜陽半江冷
蟬鳴山欲暗鴈去天逾永孤客對蕭條應知鏡中影

瞻木軒

道士李玄脩所居庭有凌霄花依樹而生

近樹伐而凌霄獨存因以名室求予賦詩

凌霄託高樹引蔓日已長纏綿共春榮幽花藹敷芳

高樹忽見伐無依向風霜亭亭還自持柔姿喜能強

君子貴獨立倚附非端良覽物成感歎為君賦新章

雨中遣興

積雨坐無悶端由便寂寞好鳥不頻啼閑花自遲落
行園每度徑望岫時登閣只此可終期何當有樽酌

題方厓師聽秋軒

西澗獨趺處涼颼度虛閣秋從夜深來流音滿林壑

初鳴忽澎湃稍定還蕭索月下暗禽翻窻間危葉落

上人習靜定談籟笑南郭喧寂兩無聞星河在寥廓

與內兄周思齊思義同過僧浩西齋夜酌

雨過月在花疎鍾閉禪舍幽僧與逸人對酌明燈下

園樹稍辭春池蛙正鳴夜嘉會莫蹉跎流年易傾謝

萱草

知出

引水清絕的印硬
是齋菜

多用純字同極

不見堂上親空樹堂下草夏來風雨繁離披數莖老
日暮欲忘憂牽芳轉傷抱

月林清影

疎林逗明月散亂成清影流藻舞波寒驚蚪翔壑冷
雲來稍欲翳風動紛難整圓魄忽西傾愁看墮空境

春草堂

靡靡堂廡草託根近華楹膏露既灌芳惠風亦揚馨
匪蒙陽和力孰使微物榮中天駛景流青節坐易盈
但憂德澤遠豈惜憔悴并願言相蔓結遮彼春逝程
寸心雖難報拔去還當生與野火去凡句雲壤

似律

次韻內第周思敬秋夜同飲白蓮寺池上
月出露已白荷花香滿池高僧愛清夜留客坐題詩
竹動鳥驚夢草涼蟲語悲關齋一瓢酒應不負幽期

聞鍾

迢迢煙際發隱隱岩中應初來覺寺遙乍歇看山暝
惆悵未眠人空齋幾迴聽

詠雨酬張進士羽見寄

珠碎復絲輕颺迴乍拂楹望中來曉峽愁裏度秋城
沙濕蛩應冷荷響鷓還驚聽絃知瑟潤即簞覺帟清
一覽停雲句離抱轉難平

似律只拘三字

中三聯自遠近到字
細体

徐隱君陋居

脩途息往駕環堵老所依蕭條窮巷中故人亦來稀
交交風雨侵翳翳蓬蒿園局促不苟厭暫出復來歸
名都列飛甍煥耀朝日輝爽塏豈不慕終憂蹈危機
心舒體自適道在願無違茲焉樂飲水回賢良可希

西園曉霽

積雨淹夏半始晴園景饒高林上初日遠水泛迴颺
餘情壹際蝶新響樹間蛩詎必勞觴詠煩憂坐已銷

題畫鷹得嘯字

高風動古壁竦竦立見蒼鷄軒然欲飛揚嗟此粉墨妙

羽畫鷹詩云鷹別
為大能似湯屠去舍
唐法

畫鷹放可不會法者
邱以画初大染化真境守
不也形画守

哭王隅

秋筋束老骨天寒勢逾矯腦枯草中兔氣盡樞上驃
健鶻雖百餘凡材豈同調乾坤正肅殺怒氣彌萬竅
大野開平蕪悲臺落殘照荒城有妖狐夜作猛虎嘯
為君試一擊壯士慙勇剽安能保奉肉側翅隨年少

怨玉但牙在少文

車行一輪摧鳥奮一翼傷人生失輔友誰當共提將
相逢豈無人。不獲如子良。朝遊群彥林。夕棄萬鬼鄉。
春風吹南原百草萋以長。呼君不歸魂。割我欲斷腸。
豈不悟生滅情至諒難忘

池上晚

結句字裁上

從引下四實記乃未句化
勢 結句是唐人後句三
時若移作句句便甚收
取有法名家乃五七說家
詩可分在此

春曉思悠悠閣前池水流
新蒲風葉響如對野塘秋
野塘前歲路已隔歸舟度
鳥下獨回頭青山杳然暮

醉歸夜醒聞雨

覺來聞雨聲燈輝耿殘夜
窓間有危葉暗助蕭蕭下
不記醉歸時寢齋如客舍

夏夜起行休邪

夜熱不能寐起步中庭前
舉頭望高旻離離眾星躔
欲推_接理亂象天道幽且玄
長歌來涼颼驚鳥北林顛
此時層城閉悄悄萬室眠
誰復相與娛淡月孤光懸

師子林池上觀魚

穿蒲尾獨掉啞賞口群仰波平沒見痕
池靜跳聞響漁叟已免捕僧盃每分養
落日意無驚識我臨流賞

和張羽懷吳興舊遊之作效其體

城貢綠川長朱閣映飛梁
鶯嬌山唱度蓮豔水嬉張
花童搗翠管桑婦挈銀筐
若溪酒脂碧顏渚茗旗香
擇勝事未厭驚亂意俄傷
回看舊遊地秋草變凄凉

送沈徵士鉉歸海上

我友張國士短若婁君卿
家無一金產所結皆豪英
去年東方來向我道爾名
相逢真甚都座客為之傾
高標華月出雄辯流雲崩
時方尚權謀處士皆振纓

八句叙吳興所五年

招入懷舊初轉力

接出可撥入兩海事

法報守立可至事
無味

前守都及可後守
考正守所以不後

諸侯致幣聘。公子將軍連。爾獨念滄洲。扁舟問歸程。
翩翩真飛鴻。影過海上城。儻見魯連子。殷勤煩寄聲。

重午書事

采蒲臨綠波。團扇送涼過。越客爭標渡。荆巫弭節歌。
家醕憐浮玉。宮衣憶賜羅。今年兵氣惡。朱符佩更多。

東白軒

昔宿東峰顛。長夜何曼曼。起看玄景梅。冰雪積未泮。
翻翻驚濤瀾。黝黝失星漢。悲風吹木石。彭湃而凌亂。
太陽淪朱光。陰火吐未煥。山精與罔象。乘暗出游翫。
前岩挂猴猿。後嶺起鴉鶴。一時互蹄叫。哀厲客腸斷。

可白字正而

芒芒禹九州。下視莫能判。如身墮幽都。涉水濟無畔。
金鳥在地底。其出疑可喚。雄鷄栖高樹。凍噤不振翰。
君家有層軒。不異泰山觀。扶桑拂簷楹。指尺海東岬。
酒醒四鼓發。陽谷已昇半。紛紛物象出。稍稍涼暄換。
如盲得復明。毫末皆可看。山中舊所聞。寂默應屏竄。
何當此借榻。夙興不待盥。共賓羲和車。一觀天下旦。

賦得姑蘇臺送賈文學麒

城上聞啼鴉。臺前見遊鹿。悠悠畫簾影。薄暮澄潭曲。
雲隨歌舞散。日與興亡促。美人不歸來。湖水春更綠。
思君別後登。應盡天涯目。

前句須與送別有
關此乃佳詞只字賦

寒教話何何及

未高傷苦而自傷
念深為長於人清

崇之五律
通之無後話

結抄不直手

直不成功月不月

通之無後話

聞晚鷺時在園城中
昨歲聞孤轉綠陰山院行今朝寢齋雨重聽獨含情
西澗多喬木何為亦到城

西齋池上三詠

葵
花

豔發朱光裏
籠依綠蔭邊
夕同山薜落
午並海榴燃
幽馥流珠筆
鮮輝照藻筵
群芳已謝賞
孤植轉成怜

荷
葉

楚服新裁得
吳筒舊製成
圓應問芥菜
密欲繫蓮莖
聲中亂雨至
陰下一魚行
桂棹還思折
江南日暮情

桐
樹

晴粉朝英墜
涼瓊夏華繁
鳥啼高樹早
蟾轉薄疏虛
朱弦未薦曲
彤管屢題詩
坐恐銷華澤
商吹起前除

遊城西得艷字

軍旗表山柵
商鼓噴輝店
稍黃雲有香
楓赤火無焰
賞懷誓飯饋
眺目擬窮占
思政已繁殆
欲賦更橫槩
煙開象極泮
波溢類洪墊
壤官茨被垣
棄壘封漫塹
晨唳鷓鴣多
秋腥鮑蟹贍
吼鯨報僧粥
卧獸衛官寔
揖道訛語談
暎離酒粉規
池開沐女盆
石拔闢夫劍
竿危闌鈴響
紗古幕燈艷
時艱遊總稀
歲稔醅饒釀

襟囊出奇蒐，抨擊脫浮念。一覽一興嗟，再到再忘厭。
吟將孺獲賽，歸川棲鶴驗。壑虛哀商叩，嶺豁初魂閃。
宵宵聽鳴鐘，翩翩戒還鞞。興清逼林婁，醉顛眩湖灩。
顧標山已遠，入郭塵復染。幽景慮遂逋，拙詞紀姑僭。

卞將軍墓

胡馬飲洛川，皇輿寓江左。宰輔失良圖，國門屢與禍。
惡木不可相，猛獸終難馴。冠軍歷陽來，白日飛黃塵。
兵叩西陵關，火焚大桁口。帟旅方敗奔，六宮竟誰守。
卞公仗戎鉞，勇氣超常倫。立朝素正色，臨難仍捐身。
落日百戰餘，叢創領殘卒。父子誓除兇，一朝共淪歿。

從東考三國說北涼
姜亮辰

左字有力

當年尚浮虛，風俗變縉紳。誰知效節者，不在清談人。
石頭義旗來，天狼夜流血。冊贈極哀榮，千秋表忠烈。
六朝相塚，無數青山根。至今行人過，但拜將軍墳。
馬鬣封未平，龍泉氣猶發。惆悵望松楸，一杯奠寒月。

綠水園宴集

平居寡良會，艱哉况茲時。幸逢金閨英，中筵接光儀。
名園過脩禊，景麗春陽熙。綠芷榮曲沼，朱華敷廣埒。
情宣寄高文，憂襟為之披。觴來不敢訴，慮此朋歡虧。
何以淹返旆，頽光頽遲遲。

答宋南宮見寄時寓江上

道平松字中 郝松 跋

引本易工初境清純

棲高豈高道。偶家南渚濱。雖欣遠物累。終悲寡交親。
拏舟近入郭。言欲訪故人。叩門子不在。思懷竟難伸。
歸來掩蓬廬。幽卧屬始春。風暄柳意動。雪霽禽聲新。
孤遊眇芳物。尊酌孰與陳。念昔文翰場。弱蹤繼清塵。
鳴絃東閣夜。飛蓋西園晨。茲歡與年徂。憔悴兩未振。
朝家枉瓊藻。慰我作慕勤。深情寄妍詞。不殊握中珍。
屋屯在守志。養素豈辭貧。裁章以少吝。此道願無渝。

夢梅室

寢齋掩殘雪。幽慢燈微絃。不知南澗濱。魂與春縈繞。
初迷月入樹。忽斷風驚篠。餘韻恨難尋。空山鶴鳴曉。

字向多選然無解
獲語

送程校理遊江上

風亭裊離管。草綠江水暮。送此南浦人。孤帆雨中渡。
別傷此自緩。前驛花滿路。春釵戀山鵲。晚絮迷汀鷺。
我今獨愁屋。芳月誰與度。佇立望遙波。相思積煙霧。

僧齋聞雨

寂寂初罷語。悠悠未成眠。高齋有春雨。夜半落燈前。
已傷花委樹。復念水盈田。老衲獨無聽。繩床方坐禪。

送劉使君

去年送使君。路遠已海湄。今年送使君。路遠復過之。
路遠豈足言。人遠自可悲。夕宴鮮共懽。晝出之並馳。

字法好字向平

老婦歸耕是日情况
此詩全三体和洗發
不言力而言財鈍於

君懷孰可語予過時能規此行部竹符東方撫惇嫠
王事正靡盬奚暇及爾私但令中弗遷庶以慰所思
送周將軍請老歸耕

鞍馬息戎後筋力喜尚全買牛西岡垂聊復治廢田
零雨何濛濛决流亦涓涓良苗及時新人情一欣然
其此耕耘勞忘彼富貴妍心同老農夫閔閔望有年
家廩儻得高尚願輸資邊言不三不手

夜登南樓觀月今松但語多平

迢迢海上樓月出常先見吐嶺乍分規臨波已澄練
蒼茫城闕閑歷落星河轉毋違中夜歡皓景應難戀

西臺慟哭詩

越人謝翺嘗為宋丞相文山公之客公死
之十二年登釣臺祭公以哭自為文識其
哀曰西臺慟哭記東陽張無持示求詩僕
感其誼遂賦一首

我我子陵臺其下大江奔何人此登高慟哭白日昏
哀哉宋遺臣舊客丞相門丞相既死節有身耻空存
比望萬里天再拜奠酒尊陰雲暮飛來恍如載忠魂
所哭豈窮途中抱千古冤上悲宗周隕下念國士恩
淒涼當世事感慨平生言空山誰知哀惟有猴與援

猴與援不分

此此蜀類

此幸

必於說盡字

讀學微

豈不畏衆驚聲發不忍吞人言天有耳此哭寧不聞
願因長風還吹此血淚痕往墮燕山隅一灑宿草根
田橫去已遠茲道不復論作歌悼往事庶使薄俗敦

見耕者

茲晨有佳興挈杖行遠墟春犁稍已出土脉向暖舒
嚶嚶鳥轉谷瀏瀏泉鳴渠歲功自茲始為農亦良畝
而我情四體偃息在弊廬飢匱固當爾無為歎踟躕

雨中書湖上漁家壁

漁舍煙不起瀟瀟雨初暝孤客與群鷗寒依葦間聽
山昏望易失波動愁難定歸思滿蒼茫空憐去帆迥

蘇世活出自出

一取生引之畫交如方二
白教合古法刑

同杜二進士晚筵潘氏樓

靄靄川樹暝夕陽忽然收林間一鍾來隴上聚耒休
維撈漁石邊尋我棲寓舊本期散憂懷携手登此樓
邠知見遠色蒼茫轉成愁幸茲有尊酌雖晚為君留

送家兄西遷

昔別歸有期此別去何極西遷屬事變咎責非已得
家貧無行資空橐辭故國忽忽逐徒旅宛宛謝親識
牽攀不能留慟哭野水側離鴻為迴翔浮雲暮愁色
別時雖云苦未若別後憶願行勿憂家養親自我職
殊方氣候異炎霧秋未息委命毋怨尤長年強殮食

却黎自工

至蓮村

昔愛茲里幽。誓將搆蓬廬。孰云墮世網。重到十載餘。
喪亂喜獨完。煙火靄舊墟。柴門在深巷。落日榆柳疎。
隣翁念契闊。携筇饋雙魚。苦問客何事。顏色與昔殊。
馬知涉艱難。多戚長少娛。貧賤非所耻。中情在閒居。
願翁勿相誚。終當遂吾初。

雨中登白蓮閣望故園

點雨字在粘泥之間
結少字在國板絕

亭亭高閣上。渺渺清川曲。日暮靄靄愁。離蘅雨中綠。
聞鐘僧已返。荷笠人猶牧。歸棹獨難尋。江南望雲木。

尋照公

承不後出

王孟神境

遠尋林下僧。不識林下路。隔雲孤磬響。因到繡經處。
相對竟忘言。夕陽在祇樹。

江上過丁校書宅留飲

迂權入浦汭。言尋故人扉。鷄鳴村樹烟。寒旭景尚微。
子起罷理髮。相延關中闈。雅詞既云宣。濁醪亦以揮。
幸茲竟日歡。一浣積慮非。尚慙有羈牽。暫會復遠違。
臨流送我還。迴颺夕吹衣。亂來人情改。高誼似予希。
儻不終憚煩。隣遂相依。

醉字字有勢轉招
妙

遊靈岩賦得越來溪

越女遊未去。越兵嗟已來。青山舊溪上。魚復見樓臺。

引上二字似類

過客空惆悵。荷花殊自開。彷彿在古休。

立春前一日喜雪

一冬總見瑞。三白詎須頻。未嫌遲送臘。唯憐預占春。
積砌猶殘凍。粧苑已芳辰。留更明朝落。梅花欲鬪新。

移家江上別城東故居

人情戀故鄉。誰樂遠為客。我行豈得已。實為喪亂迫。
悽悽顧丘隴。悄悄別親戚。不去畏憂虞。欲去念離隔。
雖有妻子從。我恨終不釋。出門未忍發。惆悵至日夕。

雨中客僧舍

客夢方暫適。竹間風雨驚。起登林端閣。迤邐望層城。

法醒作名

景寒川樹疎。野晦原煙平。不邀釋子語。何以緩羈情。

見花憶亡女書

中文我所憐。六歲自抱持。懷中看哺果。膝上教誦詩。
晨起學姊粧。鏡臺強臨窺。稍知愛羅綺。家貧未能為。
嗟我之失意。兩雪走路岐。暮歸見歡迎。憂懷每成怡。
如何屬疾軀。復值事變時。聞驚遽沉歿。藥餌不得施。
倉黃具薄棺。哭送向遠陂。茫茫已難尋。惻惻猶苦悲。
却思去年春。花開舊園池。牽我樹下行。令我折好枝。
今年花復開。客屋還江湄。家全爾獨歿。看花淚空垂。
一鷗不自慰。夕慢風淒其。淚幅波拍處。山女古檀塢。

合於此是易成存什

小佛燈筆記

南浦之景

竟体平疲絕去
遠韻

東坡路上阻水

不覺去村遠。瀟瀟柳間步。江雨夜來多。春流稍侵路。
褰裳自可涉。不待漁舟渡。

獨酌

白日下遠川。寒風振高柯。蕭條掩關卧。暮雀忽已過。
我有羈旅愁。鬱如抱沉疴。起坐呼清尊。獨飲還獨歌。
一斟解物累。再酌迴天和。數觴竟復醺。翻恨愁無多。
所以古達士。但飲不顧他。回頭向婦笑。戚戚終如何。

同杜徵士寅過南渚赴朱七文招

五月燕鷁飛。絲成桑葉稀。相逢搃羈紲。白苧未縫衣。

扁舟喜同載。晚度滄洲外。樹失潮氣昏。沙喧雨聲大。
將迷路却通窈窕。復蒙籠果熟皆梅子。禽啼盡郭公。
兵戈苦未息。莫歎猶為客。此去醉誰家。江邊主人宅。

始聞夏蟬

翩翩繞得蛭。咽咽未成喧。翳葉誰能見。南風綠繞軒。
乍驚變節物。還念別郊園。何待當秋聽。方令羈思繁。

贈斲琴者

山田不生苗。零雨空漑之。歲宴窮谷中。何以療我飢。
青青萬長松。兔絲絡其枝。不知何樹下。乃有千年脂。
朝行西澗濱。暮行東岡垂。荷鋪偶遠樵。言尋亦良疲。

法自氣立書刪

鑿彼土石間得此瓊瑤姿香因清飈發色藉玄泉滋
嘗讀炎帝編徵功實多奇天和滌煩滯靈味扶殘衰
詎必勞悲歌去來商顏芝歸來拾荆薪炊之作晨糜
八珍豈不美素餐懼有嗤服斯待輕舉往與山人期

我昔

我昔在家日有樂不自知及茲出門遊始復思往時
貧賤為客難寢食不獲宜異鄉寡儔侶僮僕相擁持
天性本至慵強使賦用馳致言恐有忤蹈足慮近危
人生貴安逸壯游亦奚為何當謝斯役歸守東岡陂
將往海上舟行值雨投僧舍

把酒句叙引
四句申說

似不狂之意亦句体
舊字新字

沙響聞雨來中途生旅愁遙尋林麓暫駐寒塘舟
窓下一僧老竹間諸鳥幽誰言阻遠去翻使得佳遊

暫歸鳴珂里舊宅

故廬在東里久出喜偶旋景物亂後非行觀一悽然
荒榛塞園逕流塵蔽堂筵念茲經營初勤苦唯我先
蕪壤棄弗守顧已誠有愆雖懷首丘願未絕遊方緣
是主乃如客暫來靡留連日暮復還去哀抱將何宣

江上晚晴

江虹斷兩脚返景明墟里宿鳥亂歸村幽人獨臨水
漁舟隔浦飯煙火廬中起閒吟望遠岑緩步尋芳芷

上四句說情字此句極力
醒出

此夕遇新晴憂懷偶然喜

與王隱君宿寧貞道館

松下禮貞罷鶴鳴暮壇空偶來古仙屋欣與靜者同
玄言不知還遂宿琳館中蒸菌沃芳露焚蘭度微風
山瓢瀉未盡月出秋林東語化衆妙歸探元萬緣窮
不與至道俱何以超妄蒙願從希夷遊稽首青牛翁

送珪上人客教白方新

紀蜀法利

曾來看江雨同倚香臺上師今西去遙還上香臺望
淮山暮鐘起楚水春帆漾來去本隨緣分携莫惆悵

冒雨暮歸過白沙湖

天寒滿湖雨獨棹東歸急遙望水邊村蕭條暮煙濕
家人應候我深暎柴局立景平州此二句反問法會古

送袁憲史由湖廣調福建

通体修明

一路按福道福程鋪
知維無益言向然如化
古演家所以

只謂遠遊苦寧知遠遊樂君今萬里歸顏色殊不惡
自言楚帆開初別鳳凰臺采石月下過匡廬天際來
試沽彭澤酒憔悴陶家柳最愛小姑妍臨行復回首
遠逐綉衣遊閒登黃鶴樓千峰漢陽晚一鴈洞庭秋
西上荆門渚銀釵見巴女歌斷竹枝詞江陵夜風雨
看盡幾多山今朝始得還秋風吹驛騎又欲度閩關
閩關聞更好瘴霧晨早收椰子美如漿蘭花多似草

中一可說方用字字不
說絲

嗟余戀故鄉不肯涉津梁把酒看君去相思空斷腸
泛南溪二首

山折水暫旋山開水仍往東陂匯初成秋色瀟然廣
碧羅花茸茸月映石壁上此夕試泂泗一理煙中舫

又

清暉汎悠悠東與前溪合菱葉間荷花風來秋颯颯
久行愁寐境忽有人煙雜我欲發棹謳漁師肯相荅

宴顧史君東亭隔簾觀竹下舞妓

美人竹下舞醉看隔簾櫳彷彿瑤臺子遊戲綠雲中
玉鈞正蕩月羅袖忽驚風莫逐青鸞去尊前樂未終

夢遊仙

夢騎蒼麒麟手持白玉鞭長風八萬里夜入通明天
正逢絳闕開謁帝陪群仙飄飄紫霞珮杳靄青霓旃
命與衛炁卿共讀金蕊篇玄文不可識謫歸一千年
驚寤忽長歎虛空但雲煙云法合古

獨遊白蓮寺池上看雨

輕衣忽變冷池雨來清夏圓文細細生密響偷脩下
荷披魚躍起樹靜禽鳴罷賞澹自忘還非因與僧話

贈薛相士

至正辛丑嘉禾薛月鑑過予求詩

我少喜功名輕事勇且狂顧影每自竒磊落七尺長

起之句須識順逆
中寫字細休保
五妙了勤法正集
引法
勇狂字分何

要將二三策為君致時康公卿可俯拾豈數尚書郎
回頭幾何年突兀漸老蒼始齒竟無成艱險嗟備嘗
歸來省昨非我耕婦自桑擊木野田間高歌誦虞唐
薛生遠挈舟訪我南渚旁自言解相人視子難久藏
腦後骨已隆眉間氣初黃我起前謝生弛弓懶復張
請看近時人躍馬富貴場非才冒權寵須臾竟披猖
鼎食復鼎烹不必法也主父世共傷安足保常分為計豈不良
願生毋多言妄念吾已忘輕快自喜未能因而存之

高太史大全集卷之七

吳郡高啓季迪著

南州徐庸用理編

五言古詩

曉卧丁校書軒

窓月澹欲失。隴隴逼初曙。屋外鳥聲多。應知有嘉樹。
殘香掩幽寢。未事澄紛慮。頗似宿東岩。僧齋竹深處。

水上盥手

盥手愛春水。水香手應綠。泫泫細浪起。杳杳驚魚伏。
怡悵坐沙邊。流花去難掬。

沙平正上說家詩

竟任何法

峭潔

江中仿次山

一水沙易頗似何
倡

此種詩書冊

往語不必使

雜字自雅

往物日出

贈漫客

畸人誠達生，聳叟亦曠士。漫客乃其徒，故意在雲水。
有山即漫遊，有竹仍漫止。漫吟不求工，漫飲不須美。
與物無留情，所適皆漫尔。人生本漫寄，何事紛戚喜。
與子作漫交，逍遙論茲理。

晝睡甚適覺而有作

閒屋况懶拙，盡日無營為。掩室聊自眠，一榻委四肢。
向暄思益昏，南窓滿晴曦。吾神誰能繫，八表從所之。
殷憂常苦縈，茲焉忽如遺。有身不自省，此外安得知。
覺來隣鷄鳴，已過亭午時。如遊釣天還，至樂不可追。

我意在有適，寧顧朽木嗤。猶勝拳毗手，塵中爭走馳。

秋日端屋

秋意日蕭索，郊園霜露餘。出遊無山水，聊復守吾廬。
巷轡久已斷，山瓢仍屢虛。非其寂寞者，誰樂此閒居。

夢鍾離兩兄

淮水去不極，淮山與偕馳。鍾離兩僊客，路遠歸何期。
孰云歸無期，此文乃見之。握手說辛苦，杯觴復同持。
須臾忽驚別，我夢方自知。雖夢亦足喜，况乃歸來時。

雨中留徐七賁

江寒宿雨在，落葉滿村濕。留君繫君艇，莫犯風潮急。

涉直少味

一往回徑能知新語

直叙以記

結醒禱家竹潭

試問欲歸城誰家借簑笠

看刈禾

農工亦云勞此日始告成往穫安可後相催及秋晴
父子俱在田札札鏹有聲黃雲漸收盡曠望空郊平
日入負擔歸謳歌道中行烏雀亦群喜下啄飛且鳴
今年幸稍豐私廩各已盈如何有貧婦拾穗猶惛惛
晚步遊禱家竹亭潭

落日猶半野閒來潭上遊非因戀幽賞聊欲散煩憂
澄波魚噉父荒竹鳥吟秋不是憇溪上胡為吾久留
召脩元史將赴

京師別內自此後訪多字辛語

承

詔趣嚴駕晨當赴京師佳徵豈不榮獨念與子辭

子自歸我家貧賤久共之閨門霽情懼寵德不以姿

天寒室仍罄何忍遠去茲

王明待細文不暇顧我私不戒務慙愧子勤不如此為我烹伏雌

携幼送我泣問我旋軫時行路亦已遠浮雲蔽川砥

宴安聖所戒胡為守蓬茨我志願裨

國有遂幸在斯加食待後晤勿作悄悄思

早發土橋境真訪者去

北四句叙別以下申
况

空山遠無驛，不逢旅聊可宿。懷征候鳴鷄，不帶續我燭。
僕夫昨行苦，爛熳睡正熟。呼之愧怱怱，推車出茅屋。
高岩尚懸斗，深谷未升旭。欲去返遲遲，怪石暗屢觸。
思當在家樂，日晏始舒足。胡為此行邁，霜露勞局促。
王事靡敢辭，非關徇微祿。

車過八岡 小字云過八岡

上岡如登天下岡，如決川勞哉。挽車夫呀喘當我前，
兩轆聞欲摧土石，厲且堅。我行閱其憊，時下息。彼肩
雖非古羊腸，實惧覆與顛。如何道路子，卓來競連連。
白日已傾仄，我行尚迴還。安得駕逸足，平野起飛煙。

夜放出其通平不緊
在

寓天界寺雨中登西閣

片雲出鍾山，陰滿江東曉。幽人閣上寒風雨，帝驛馬少
紅塵禁陌淨，綠樹層城繞。不為愁春徂離懷自憂情。

送陳四秀才還吳 亦有送別

君是故鄉人，同作它鄉住。同來不同返，惆悵臨分處。
手把長干花，回望長洲樹。恐起憶家心，愁題送君句。

送縣書記東歸

旅寓古寺間，得與名僧居。時因簡牘暇，共諦楞伽書。
倚閣山暄後，步廊月生初。屢聞貞詮妙，一使羈紲舒。
茲晨別同袍，言旋舊精廬。飛雲自無滯，愧我焉能如。

卦台後詩多屬醉
之伴窮而後工洵如
法

結出送字

四句叙題已寓感懷

東浦秋正遙西齋夜應虛傷離固知安相送聊踟躕

送禮部傅侍郎赴浙西按察

聖主想賢哲夫君欲來東姓名簡

膚聽召對明廷中彷彿似其先夢寐相感通秉綸坐

西掖曳履遊南宮復輟要近臣往試澄清功糾郡擢

使節炎天凜霜風顧余謀珥筆言咲獲屢同無端此

分袂離抱何忡忡

對園柳

依依客園柳來時未堪折今看夏條長上有新蟬烟

芳序惜推遷佳人念離別秋風莫遽起旅思方騷屑

僕至得二女消息

我僕持尺書來自我故鄉讀書意未了呼僕問彼詳

云我兩小女別來稍已長大女手搽搽窓前學縫裳

小女啼啞啞走索瓜果嘗喜爺有使歸迎門各踉蹌

我坐聽此言欲慰意又傷稍近尚爾思更遠何能忘

菊隣

菊本君子花幽姿可相親清秋發孤艷似避東風塵

采采霜露餘繁英正鮮新車馬不過賞相看但幽人

幽人苦愛菊自是柴桑倫閑園誰與語鼓我四為隣

入徑朝摘遠循籬暮觀頻一壺每對酌折花插盈巾

竟任有法

山讀蒼然湖中句

法橫

殊勝處俗里歌呼醉遺嘆

出城東見古松流水坐憇久之

空潭寒無藻瑩淨涵青天長松百餘株扶疎繞潭邊

我行值幽境坐賞忘歸旋清風似相娛西來忽潑然

水動松亦鳴紛披復淪漣群鷗盡驚矯疑是龍吟淵

微瀾蕩餘暉流響散遠煙靜聽意已消何須撫徽絃

安得卜此屋一謝塵中緣朝來潭上坐暮向松間眠

夜坐天界西軒

明月出東閣照我坐前軒諸生夜已定寂寞與誰言

煙幔螢微度風條蟬罷喧清景難堪悅終嗟悲故園

京師嘗具種 本頗精細

新杭繁如玉遠漕來中吳初嘗愛精鑿想出官田租

我本東臯民少年習耕鋤霜天萬穗熟恣啄從飢鳥

日暮刈穫歸妻孥共歡呼茅屋夜春急風雨江村孤

晨炊滿家香薦以出網鱸如今幸蒙

恩邀遊在 南都門前半區田別來想已蕪長年盜

寸廩補報一事無投匕忽歎息飽食慙農夫

為因師題松梢飛瀑

松風散飛瀑夜作濤聲急棲鷗起空山如驚鬼神入

定僧寂無聽任酒袈裟濕

收回神有情

送別詩之神之作

引因甚正詩純副之

得古柔府意

送周四孝廉後酒醒夜聞鴈聲
別時酒忽醒客去唯空舍
風雪鴈聲來寒生石城夜
遙憶渡江船正泊楓林下

富內寄 四指合古

落月入曉閨相思不須啼
我非秋胡子君豈蘇秦妻
風從故鄉來吹詩達京縣
讀之見君心寧徒見君面
拔草不易絕割水終難開
行雲會稜稜有時飛下巫陽臺
莫信長安道花枝滿樓好
白馬繫春風離愁坐將老

真氏女

余在史館日淡次有言姚文公承旨翰林

時嘗飲玉堂有侍妓闕語者詢之乃真文
忠公裔孫也父為莞庫負縣官錢鬻之以
償遂流于娼家公愍之白于執政落其籍
以嫁院吏黃逮逮後至顯官同館之士聞
之多賦詩者余亦為作一首

妾恨非緹紫上書動天子自鬻償縣官
幸得脫父死誰知故相家失身屈挾斜
遂令園中栢孫翻作道傍花
當遊唱金縷朔客驚聞語相問忽相
伶幸開籠放鸚鵡
棄置舞衣裳新理嫁時裝良人身作
吏不是販茶商
花釵映羅扇初與郎相見貴賤古難
常妾心那敢怨

如相有所指耶相用唐
人小說事耶

抄以省任非應日省幕
自雁從大交說起

願即去作官莫掌官錢穀生子但生男家門免多辱

送李架閣赴山西行省

日暮踰大河北望古晉疆萬里饒風沙地接戎與羌
翩翩并州兒躍馬能挽強古來事爭奪百戰在此場
聖皇刻群雄撫劍定八荒瞻茲形勝都建侯樹藩方
披榛開漠府實從皆才良所期偃甲兵民物自此康
山河罷阻險沃野多耕桑君行願努力遠別庸何傷

送王哲判官之上黨在醉詩當冊

群林萃京師有若奔海川盍簪向華館唯君最韶季
忽行佐名邦輟理金匱編朝辭

起字而卒

順叙而出詞句平極

紫閣下暮宿黃河壩馬上看太行日落萬里煙
我我天井關高城鬱相連遺氓得少安時清罷戈鉞
亟行勿憚遠

聖意煩承宣

登句容僧伽塔望茅山

此塔只起句一點下都
從字字着筆

高登大士塔遙望仙人峰中峰夫何如玉削三芙蓉
雲深句曲樹日落華陽鍾長君昔飛昇駕挾雙白龍
至今學道處洞府留靈蹤丹泉夜吐光瑤草春含茸
仙應笑我愚塵世苟自容胡不鍊爾形歸來蔭長松
望仙指尺間不隔雲海重真訣儻肯授執鞭願相從

崇勃望字方不至寬

法定叙自具周尚損
性之收與亦天壽元長
律異曲同工

贈楊滎陽

嘉陵美山水亦復富文彥楊君產其邦材拔性高倫
布衣走名都早入藝林選客屈稷下談王邀鄴中宴
出門得名聲不假親舊援匣劍未久理囊錐已先見
吐詞實現奇讀者心欲顛刀鳴鬪夫勇花安笑女倩
如觀廣場中百戰張曼衍平生眼無人遇我獨相善
陌頭每並出兩騎無後先喜從兔園遊慙受狗盜薦
君歌我固服我賦君亦羨墮筵吟帽烏踏席舞裙茜
醉中共笑語往往雜諧諺有時出城西山水恣攀踐
岩眠曙猿驚澗飲夏鶯轉吳宮妓去榭蕭寺僧開殿

龍門剝陰苔高什記題徧歡遊正相醉世事忽驚變
朋儔半生死一往如激電我禪返江潯君車赴淮甸
旋聞逐流人屋濠又移汴一身去何賚空索唯破硯
危塗曉行疲欲進足如冒狼來樹杪避蝎走燈下見
渡河自撐蒿水急船斷牽及至秋已深舊褐風裂片
難尋高陽飲空平鄆陵戰
聖恩忽如憐收接佐山縣卑曹敢云辭執版謁府掾
官庖盡炊藜民賦半輸絹低飛蓬蒿間不異雉帶箭
有親寓京師年老闕供饌欲奉朝文歡去職胡敢擅
晨上宰相書得歸遂微顛上堂具珍鮭呼婦賣釵釧

我時別君久問訊愧無便空題憶君詩細字書滿卷
今春被

詔起前史預編撰始來長干門楊柳正飛燕逢君風
塵餘不改舊顏面握手話苦辛悲喜雜慶言客中雖
無錢自寫賒酒券邀來卧東閣月出初鎖院君言涉
艱難壯志今已倦回頭悟前非更名慕遽環君近改
我聞棠陰金不畏經百鍊胡為暫失路遽欲老貧賤
吾皇奮神武四海始安奠棧通論夷文驛走徵士傳
時巡抗霓旌肆觀冠星弁功成萬瑞集禮欲議封禪
君才適時需正若當暑扇手持照國珠胸出補衮線

古詩長篇家重境果必
重為裁

結意蘊藉醒早字別
效

便應上金鑿立對披

天眷嗟余忝載筆鼠璞難自街幸茲際昌辰魏闕寧
不戀但憂誤蒙

恩不稱終冒譴秋風楚潮滿歸舸帆欲轉君若念故
交殷勤一相餞

寺中早秋

秋風入寺早孤容驚離索斜日數蟲懸槐花雨餘落
砧聲起廢苑簾色淒高閣獨恰明鏡中玄髮猶如昨

天界觀月

洪武二年八月十三日元史成中書表進

在莊春宮自非為作也
亦無擅場語

詔賜纂脩之士一十八人銀幣且引對
樊諭推授庶職老病者則 賜歸于鄉閭
二日中秋諸君以史事甫成而佳節適至
又樂

上賜之優渥而惜同局之將違也乃即所寓
天界佛寺之中庭置酒為翫月之賞分韻
賦詩以紀其事啓得衢字云

聖主念前鑒述作徵名儒群來高館間
則跡愧我愚孰謂此責輕毫端有獲
誅書成進 丹陛名對共拜
趨去留雖不同雨露均沾濡已淹三時
勞可廢一文

細貼

押衢字未免有之

妖况逢端正月當空照眉湏流光滿金界
境與人間殊廣庭布長筵嘉肴薦芳腴
豈唯多士集亦有名僧俱興酣貴形忘
諧笑不復拘觴行豈辭勤仰看轉斗
樞明晨即分袂此樂誠頑史承生四海間
相見皆交于不知誰使令流蕩無根株
忽然此相遇旋復成天隔願各崇令名
道進步衢明年重見月相憶當長吁

寄題鄞縣青山寺鍾秀樓

東湖秀可攬造化夙所聚聞有釋子居雲中
構層宇剝出辨遠岑帆迴識脩渚鳥外月
上海虹邊樹含雨

結二句韻

醉雁河東不似是位
家子也

願言此登眺去作逃禪侶西崦暮鍾時憑闌共僧語

曉出趨朝

正寇出門早杳杳鍾初歇嘶騎踏嚴霜驚鴉起殘月
透迤度九陌窈窕瞻雙闕長卿本踈慢深愧陪朝謁

送顧式歸吳

顧君野王孫與我生共縣故鄉未曾識却在他鄉見
留連忽東還長揖袖詩卷自言吳中好稻熟湖蟹賤
欲卧煙雨舟醉讀三高傳余方謬通籍講帷近清殿
故園豈不懷君恩正深戀遠欲謝鄉人殷勤附君便

街溝觀鷺

白雪泛金塘群翻動曙光危樓翹獨趾亂唳引脩吭
池中鵠可並廷內鷺難行自憐觀詠者江湖興未忘

夢姊

我家白頭姊遠在婁水曲昨夜夢見之千里地誰縮
不知別已久尚作別時哭覺來旅齋空風雪洒窓竹
田家有弟妹終歲喜相逐我非王事縻胡忍離骨肉
城東先人廬尚有書可讀何當乞身還親為姊煮粥

荅定水寺芭公

都寶用柳弟等味

五九

收句不脫不粘

日晏初出院間齋一蕭然忽枉名僧書始知在清泉
憶昔雲岩屋共締林中緣夏陰繞澗吟秋霽開閣眠
聯合苦難常別來歲頻遷趣同貴道在跡異慙名牽
明月出東海想照空山禪無因荷衣襍往禮高峯前

訓謝翰林留別

予在名處味大始青即被留後訪
初不及未遇時作

啓與同郡謝君徽同徵又同官翰林洪武
三年七月廿八日

上御闕樓召對擢啓戶部侍郎謝吏部郎中俱

以踰冒辭即蒙

俞允賜內帑白金放還于鄉

江左稱謝家奕葉多名人君今復秀發瓊枝邁風塵
顧余忝鄉里才華敢論美 冊詔偶見徵雲羅款同
起謁

帝入九關咫尺瞻

天顏從茲譯通籍接武諸公間朝侍 青坊讀夜陪

玉堂宿講罷分 御羹吟成刻官燭出入在

兩宮與君無不同自慙本鷗鷺亦得隨鵷鴻朝朝禁

門下聽鷄共騎馬上國多故人情親似君寡並

命起列鄉 寵極翻憂驚我叨掌國計君佐持銓衡

借辭向

往新引體

白菴雜詠

與高雪山出

明主叩天聽

天語勅賚內帑金東還特相許拜賜出

皇都人言似兩疏月明照宮錦同棹入中吳吳中故

鄉道雨歇秋光好青山度水迎喜我歸來早落日下

長洲分携忽解舟如何到家喜却有別君愁別君去

還通只隔吳江水離思與秋長蘆花三十里來往片

帆通相期作釣翁高歌雖鄙野猶可贊

過白鶴溪

昨發白鷺洲今過白鶴溪接讀子珠無意收溪流幾回轉只在晉陵西

月出女猶澆雲深接自啼茅峰雖咫尺無計躡丹梯

至吳松江松生山子易

江淨涵素空高帆漾天風澄波三百里歸興與無窮

心期弄雲月迤連辭

金闕曉色海霞銷秋芳渚蓮歌久別釣魚磯今朝始

拂衣忘機舊鷗鳥相見莫驚飛

始歸園田二首

辭秩還故里永言遂遐心豈欲事高蹇屢崇自難任

清晨問田廬荒蹊尚能尋秋虫語左右騎翳桑麻深

別來幾何時舊竹已成林父老喜我歸携榼來共斟

兩層詩別錯在右
改

問知

天子聖歡然散顏襟相期畢租稅歲暮同謳吟
白露蒸草木荒園掩窮秋歸來一茭理始覺吾廬幽
高柳蔭巷疎清川映門流落日望未黍離離滿西疇
乍歸意自欣榮杖類覽遊名宦誠足貴猥承悵愆尤
早退非引年
皇恩未能酬相逢勿和隱不是東陵侯

睡覺

爐熏霽宿潤秋滿牀屏裏曙色透窓來幽人眠未起
風驚露樹怯日出煙禽喜却憶候東華朝衣寒似水

與王徵士訪李鍊師遂同過師林尋因公

玄館啓貞境紺園闕清香係教茲晨兩地遊係乍出係器煩鄉
鳥鳴桂花落湘戶秋風涼開士演金偈羽人薦瑤觴
亦有詞苑英清芬吐華章愧我自徵起束帶忝周行
山林久在念那期復來翔字句聯合固知妄去來亦何當
誰言道各異妙契宜相忘

兩夜宿東齋

砌冷一蛩急窓空諸葉稀蕭條風雨夜幽卧掩牀幙
隣杵聽已歇齋燈看向微勿憂歲暮計聊食故山薇
效樂天類放不成語

誰言我久賤明時已叨祿誰言我苦貧空倉尚餘粟
辭闕是引退還鄉豈遷逐舊宅一架書荒園數莖
菊俗緣任妻子家事煩僮僕性懶宜早閑何須暮年
促猶著朝士冠新裁野人服杯深午醉重被暖朝眠
熟旁人笑寂寞寂寞吾所欲終老亦何求但懼無此
福功名如美味染指已云足何待厭飽餘腸胃生疾
毒請看留侯退遠勝主父族我師老子言知足故不
辱

新春飲王七孝廉家

江雨霽江郭寒姿變春華鳥欣已交音梅慘尚吐蕊

此時高堂上晨起獨感嗟歲換固有常時清樂無涯
蕭蕭風吹巾竹外度遠沙相遇偶一醉今夕恰酒家

詠軒

肅肅布華榻冷冷罷朱絃臨楹一流睇幽事忽滿前
池草方依微庭柯正葱芊偶爾發孤詠聊茲寫中愴
景融理自得詎辨媿與妍猶慙至妙意寂寞非言宣
施君眠雲堂君字可堂眠雲其號也

古弁一高士白雲與之儔性懶復好眠招雲宿林丘
下雲作簾席上雲作衾稠雲去稍舒膝雲來正蒙頭
平生無心夢雨雲兩悠悠自言眠雲樂世無一可侔

清中乃佳

浩然身欲飄若乘無倪舟朝至乎帝鄉夕返乎仙洲
寧知日月旋但覺乾坤浮天鷄叫不醒宵宵空岩幽
我觀山川氣出入不可求或逐鸞鶴翔或從蛟龍遊
或為風伯驅狼藉不得收或遭雨師怒奔走無能休
小生膚寸間大覆遍九州變化實多狀欲算苦費籌
柰何一室中爾獨解使留我行塵務區願出久未由
舉足常防危開眼即見愁不如閉戶眠往尋孔與周
愧無山中緣雲宵相從不惟當去從爾一夢三千秋
卧東館簡諸友生

卧東館簡諸友生

抱疾卧東城文墨成久荒翔鴻乍流響時菊忽殞芳
繁陰盡不評何如殊積傷良儔素高誼寡昧豈見忘
車馬限泥潦無由接華觴平居歡固難况乃時非康
何以度茲運相勗蹈其常

答張院長雨中見懷

林園寢扉掩閑坐道心生山藥翻寒色塘荷含曉清
乍遠枉芳札遠憶愧深情此日知同寂梧牕聽雨聲

春日言懷

易中名子改小端本字

暮歸東市門道路聞悲啼駐馬一借問答云征人妻
征人新戰歿歎恨沉黃泥有兒在哺下飢來食無糜
誓將割慈愛棄去從東西我看巢中燕雛長隨母飛

結出

直點紀

皇天仁萬物，蒸煦理弗違。此獨何奇偶，不能與之齊。
躊躇去復顧，使我心肝摧。

施澤阻風 小直點紀

客行阻風濤，捨舟步江側。荒村經戰餘，草木盡愁色。
夜投土屋中，月出林半黑。燃薪燎我衣，炊黍作我食。
夜長閑塞寒，歸夢何由得。遙想倚閭親，中宵淚橫臆。
送張隱君歸耕西山 清波合古石同定不字歸君
山中久無人，秋風桂枝衰。朝逢還山客，言趣白雲期。
人出君乃適，嗟哉此何時。東岡有良田，負耒當自治。
四體雖云勞，歲晏可免飢。而來未能返，驅車竟何之。

人字承上句法欽崎
結法峭

此特吳城紀遊選區
詩乃出于此
山是乃佛地也者車漫
位位清雨

過硤石

青山夾長溪，溪上有魚市。土門閉落日，野氣白於水。
市行車迹外，鳥起鍾聲裏。吳語問居人，到州還幾里。
懷徐七 卷七

哀鴻已鳴渚，落葉初覆陌。故園當授衣，却思遠行客。
客行日已遠，我思日已積。東南望歸棹，鳥去煙波如。
憂來不成言，滿抱空戚戚。豈無一尊酒，黃花為誰摘。
四栢

堂前四小栢，羅立二尺長。始栽附南墀，遠移自東岡。
春夏衆草芳，翳沒成久荒。低枝網虫懸，暗葉螻蟻藏。

有語曰必涼之成篇
栢葉山以歲時蟻

概不精乙

不沾夕露氣每隔朝陽光我病廢菱理覽之屢彷徨
玄冬戒嚴候迅風激飛霜薰穢忽自除鬱然露蒼蒼
恍若群鳥散鷓鴣得翱翔乃知受命正雖弱自可強
循步賞勁色撫攀挹微香幸得依我居勿令縱牛羊
他年培養成凌雲孰能量後凋誠足貴早厄庸何傷

高太史大全集卷之八

吳郡高啓季迪著

南州徐庸用理編

七言古體

唐昭宗賜錢武肅王鐵券歌

妖兒初下舍元殿天子仍居少陽院諸藩從此擁連
城朝貢皆停事攻戰岐王已去梁王來長安宮闕生
蒿萊天目山前異人出金戈雙舉風煙開羅平惡鳥
啼泣起犀鬚三千射潮水歸來父老拜旌旗醜酒提
牛宴鄉里擊裝駁馬騎春風錦袍玉帶真英雄詔書

以上叙武肅王

以下叙券

亦是習乞議未損
力有力

初結

昔之濟健不撥物

特賜誓終始黃金鑲字旌殊功虎符龍節
嗣猶今救三死盡言恩寵寇當時天有丹書
摩望舊符四百年古色蕭面疑蒼烟天祐宰相署名
在尋文無讀心茫然古來保族演忠節愛此幾人還
覆滅玉家勲業至今傳不在區區一劫鐵人生富貴
知幾時泰山作礪徒相期行人曾過表忠觀風雨斷
蘇埋殘碑存花可為故事法

太白三章

太白初亦北斗落行人早起車鳴鐸豈願身離父母
邦山川路遠非不惡貧賤未知生處樂

太白正高北斗低行人出關雞亂啼他鄉無人
已欲歸未歸東復西弊裘愧見家中妻
太白猶懸北斗淺行人衣上霜拂拂下馬飲酒歌苦
聲新豐主人莫相忽人奴亦有封侯骨

江上看花

兩年京師不見花青衫白馬驅塵沙今年江邊偶無
事狂醉欄慢尋春華遊蜂飛蝶日新暖紅紫正發紛
交加穿窻每入隣媪圍叩門或到山僧家漸老都無
少年樂底用蕭鼓隨行車攀條繞樹對吟詠不忍歸
去至日針花應得我相慰賞似笑欲舞爭誇我如

詩境煇燁必老
作字無心從草擇
酒之意結構而後
金州

四句按上下氣殊局

韻險法奇不可擬

無花如柳窈窕開戶有酒誰能賒夜來茅屋卧聞雨曉
起走看成空嗟飄英墮萼不可綴餘葩只似銷殘霞
明知春色不久住豈料便去難留遮野鴛啼罷一回
香恨與芳草盈天涯

中秋說月張校理宅得南字

八月望天如藍海色卷霧山收嵐玉盤元沉龍窟
底忽起萬丈誰能探初來空中光尚濕孀娥寒髮風
盤髮人言一年此最好金精水氣秋相涵小星盡去
大星在苦角欲吐敢與參天將洗眼照下土啖食肯
縱妖養貪穿深窺暗不遺隙罔兩忌影逃岩嶮前年

韻德切

韻奇德

客中憶見之家人怨別方喃喃荒山不知佳節至
首凭案尋書蟬但怪流輝入敗瓦油燈失燄留孤龕
起行陰林不用炬剝啄獨叩峰西庵蛇虺亂踏心膽
悸怪影起石皆楓梅即呼道人共載酒放舟直下夫
容潭翻翻驚鷗落樹杪吹笛正和鳥飛南今年在舍
反寂寞暗室困卧如僵蚕乾愁無端負良夜月固不
言我則慙人魚賢愚競說賞况我清景性所耽忽憶
諸君隔河水持被就宿聆高談為呼老婢掃庭宇一
席盤飴梨與柿江城重閉萬家烟樓鼓近聽絃過三
空塔婁其覺露泫虛牖窈窕疑煙含夢安欲留月伴

大首墨寫畫，忠誠
中秋日此杜法也

結法合古

頌法以詩至此可極
絕似

叙起老波

可畫法，波

影素鸞西下，頃停驂明宵後出已難似動別經歲嗟
何堪尊前此月又此客世所難遇心應諳關山幾處
未鮮兵擊柳不寐愁下男南隣歌舞北隣哭月雖同
照異苦半何人為我揮天戈乾坤多難俱平戡行者
得還屈者樂清亮所及恩皆覃懸知此願未易遂憂
來舉盞從沈酣須臾衆散曉虫急古桂吹落自耗耗

送王太守遷雲間

男屠猪羊女醮酒共禱神祠留太守太守今年遷大
州除書已下誰能留兩州相去無百里失君應愁得
君喜安得如君數十人一特盡福東南民

謝陳山人贈其故弟長司所畫山水

大髯袖中存廬壑嵐氣噴人寒色薄出贈生綃一幅
圖云是小髯之所作我嘗游君伯仲間仲今已沒空
見山畫中無限磴磴意使我坐見愁滿顏重厓復澗
迷樵路煙蘿冥冥畫如暮溪閣風生醉客眠野橋月
出歸僧度檻林象密楓林高深處似有徑聽蹄滿空
雲凍動秋思飛泉落日何蕭騷揮毫若此難再得白
鶴何時返鄉國良工自古多苦心留賞人間賴遺墨
南宮北苑皆已仙此畫與之當並傳坐嗟存歿意難
報作歌愧匪瓊瑤篇

夢境實紀

書夢贈徐高士

真人高居紫霞房，靈津夜灌通挑康。其神不彫駐景
 光名藉早入丹臺，藏道成驂蚪面虛皇。凌攝梵炁遊
 穹蒼，下視群生墮迷方。倏然起滅更喜傷，我嘗夢遊
 至其傍。廣庭淨發衆妙香，仙媛神官儼成行。坐考雲
 笈披琳瑯，稽首歸依大鑿玉。顛憫濁世同淪亡，龍根
 珍脯不可嘗。但覺元火燒飢腸，身心俱病孰為攘。王
 言授我何敢忘，空山無人覺在牀。海月未落天蒼茫，
 佐御化鶴來吾鄉。朱冠緇衣頰而長，篋中活人何所
 將。參朮芍藥桂薑，學仙曾聞道非常。幸賜大藥和

陰想。掩袂飛裾上翱翔。人間徧施甘露漿，掃除熱惱
 俱清涼。疾苦不生壽無量。彷彿不有餘

劉松年畫

樵音刺蒿勝搖槳，船頭分水聲響。青山渺渺波漾
 漾，白鷗飛過時一兩。載書百卷酒十壺，日斜出遊文
 思泐。隣舟買得巨口鱸，醉拍銅斗歌鳴鳴。此樂除却
 江南無

題武昌魏繁所藏畫

楚山遠，心參差。碧虛閣，開臨繫船石。沙樹周時鄂渚
 秋。江鷗泛處湘潭久。閣中幽人坐讀書，書聲入水驚

一往余之毛歎也

不點畫字直寫風景
青印引畫詩大概必
此

溯北

前所請叙葉意氣
此亦只叙其遊歷之地

讀其書後射之細
帶往出送字

引畫如此起抄引小景圖
如此起尤妙
字中所得法甚之微

包又轉換按不肖弟叙

龍魚欲吹短笛相尋去黃鶴磯頭好待子

送葉卿東遊

聞君辭家今幾年布衣綫斷芒屨穿
江湖夢迴燈火夜聽雨每憶山中田
兵戈忽斷故鄉路雖有兩足歸無
緣上書願雪父先恥畫地聚未籌山
川居然無成困逢放白日但看孤雲
曠時人不容補生傲坐客豈信毛公
賢黃金已盡酒徒散壯士反為兒女
憐飢吟倚壁氣和餒有事病鶻棲荒
烟却欲南遊探禹穴僕夫整駕鷄鳴
前波濤翻江畏飢鯨霧雨連海愁飛
鳥相逢誰肯問憔悴山水自為窮人
如乾坤無家去向

止飄泊不異迴風船區區願君自愛惜
今古過合無非天亂離貧賤何足歎
王孫亦在道路邊我今豈少四方志
讀書坐破林頭棹思離兩無欲誰報
送子空歌寶劍篇

題韓長司所藏山水圖

太白詩此畫

參卿昔在西安慢騎馬看山時出郭
終南秦華勢最高橫作秋雲掃秦川
漢苑萬里開酒醒望遠登荒臺日斜
滑上歸人渡岳晴關中飛雨來此處
奇觀絕天下何事歸來猶看畫畫中
小景似江南黃葉漁村見烟舍莫戀
江南真故鄉尊釀炊熟酒船香美人

五紀句法瘦硬

不是滄洲客去去宜登白玉堂為後詳明家看也

莫石山房為金華山人賦山乃

山人不飯粳稻香笑指白石為餽糧金華之石猶可
食元是舊物初平羊荆榛拾歸夜深煮自言久服能
輕舉但令隨處有雲根不問青天旱無雨我生無力
耕西疇硯田欲枯抱飢憂便當從君學此術絕勝乞
米監河侯

九日與客登虎丘至夕放舟過太平山

昨日風雨今日晴天意令人作重九登高未用憶龍
山山乃平古竟須尋虎阜秋清人稀葉滿寺發齒無聲石

引長折多不必截
巾即生悅

苔厚我東但欲問前王不知伯氣銷沉久下穿山骨

葵弓劍銀海夜寒空不朽樓臺荆棘今幾變英雄誰

似青山壽十年自歎在塵土鷄鳴起逐途人走茲遊

喜出世網外相携况是同心友盤梯共上峰頂塔欲

觀東海攀北斗中原不見鴻鴈來浮雲萬里空回首

鍾聲催送晚出寺棲鴉已滿祠前柳秋風吹林客醉

時夕陽下嶺僧歸後山留好月續清景乘興夜過漁

村口放船不覺露沾衣滅燭始看星在罍金陵酒熟

來謫仙赤壁歌殘泣發婦人生此樂信難得夢幻功

名有時有它年何必問誰健但令不負持螯手詩成

底用刻山石為寄龍門說空叟明朝來借白雲泉淨
洗從前千劫垢

夜發錢清

錢清渡頭船夜開黃茅苦竹間猿哀客官醺酒水神
廟風雨滿江潮正來蒸飯炊魚坐蓬底不覺舟行兩
山裏棹歌早過越王城東方未白啼鴉起

草書歌贈張宣

宣字生清此錢休之類

昔聞汝祖東吳精醉傳草聖醒而驚汝今能飲不滿
杓逸氣欲與相崢嶸高堂把筆若把槩長綃一拂悲
風生陰垂大澤雷雨過響破巨峽波濤傾颺颺遊絲

胃情盡落落高斗四寒更飲猿連臂深澗絕飢鶻挨
翅荒烟橫自言靜裏觀萬物故能變化窮其情嗟余
少本好劍舞學書晚方從父兄終焉懶惰不得就塵
滿硯田長廢耕覽時撫事每有感胸次兀肆何由平
空齋往往出怪語吟聲相應輒鳴篇成請君為我
寫墨瀟洒壁從奔崩是時黃雲閉歲暮返照忽出寒
江明手随意到不留阻正似突騎陰山行令嚴不聞
戈甲響一夜下盡名王城安得師行亦如此頃刻坐
見乾坤清喧呼作詩聊贈汝愈使流淚沾衣纓

獨遊雲岩寄周砥

可獨遊有收

命周不放射按堂

城西諸山非不奇我遊獨與茲山宜紅櫻春開山後
寺白水夏滿山前陂幽居况與山不遠鍾鼓每到空
齋帷兩餘烟中落日下曳杖往讀頭陀碑兩岨蒼蒼
石色古杳杳樹高陰滿池殿燈欲昏上群巖塔鈴已
靜蹲孤鷓與來即遊興盡返迎送豈要山僧知困窮
喪亂豈無感正賴此境忘吾悲嗟君何為乃自苦破
鷲短策塵中馳挂帆能來亦未晚浦口三日南風吹

練圻老人農隱

言法家也

我生不願六國印但願耕種二頃田田中讀書慕堯
舜留待四海昇平年却愁為農亦良苦近歲征役相

煩煎煎養蚕唯堪了官稅賣犢未足輸丁錢此鬚縣吏
叩門戶隣犬夜吠頻驚眠雨中投泥東鑿塹冰上渡
水西防邊幾家逃亡閉白屋荒村古木空寒煙君獨
胡為有此樂無乃地適秦溪山門前流水野橋斷不
過車馬唯過船秋風初涼近芒種戴勝曉鳴桑樹顛
短衣行隴自課作兒子盭後妻耘前白頭雖復勞四
體若比我輩寧非賢旅遊三十不稱意年登未具粥
與鱸便投筆硯把耒耜從子共賦幽風篇

嘗蒲桃酒歌

西域幾年歸使隔漢官遺種秋蕭瑟誰將馬乳壓瑤

漿遠餉江南渴吟客赤霞流髓濃魚鱗初疑豹血淋
銀鬕吳都不數黃柑釀隋殿虛傳玉薤名聞道輪臺
千里雪獵騎弓弦凍皆折試唱羌歌勸一觴甕房夜
半天迴熱絕味今朝喜得嘗猶含風露萬珠香林頭
如能有五斗不將輕博涼州守

送高二文學遊錢塘君梁人與余異譜

我家本出渤海王子孫散落來南方只今遙承幾世
後坐棄戰陳談文章嗟君渡江此相遇知有遠族猶
屋梁嘗聞四海盡兄弟况我同姓能相忘十年近舍
道南宅歲時拜父登高堂君年雖少志則壯不肯與

世相低昂讀書閉閣人罕識明月夜照聲琅琅欲將
古道共推挽豈顧薄俗譏迂狂君來不欲是玉式我
行戒止非減倉亂離止賴相慰藉何事遠別遊錢塘
錢塘舊國我所到江山自存人已亡鴈鷺長雲暮陂
澹牛羊落照秋陵荒繁華銷盡莽蒼蒼出君行見此能
無傷西風吹塵扇難障不如歸卧須時康一飢小事
何足道故國尚有霜英黃

贈李外史看古詩都房少報言法

仙人飄飄若雲風來去倏忽誰能窮豈唯上界足官
府往往亦在塵埃中我欲尋真向五岳亂後舊路迷

亮位方法

榛蓬天鷄未鳴夜谷暗海鶴已去秋壇空丹崖碧澗
瑤草歌洞府一闕無由通陌頭驚逢李道士自說柱
史為吾翁傍人相傳解起死袖裏有丹如日紅我聞
安期古榮士親見楚漢爭雌雄終然濁世不肯住渡
海徑去先飛鴻玄洲東望絕只尺彩霞幻結金銀宮
何當共赴食棗約三花醉折春濛濛迴看城郭煙霧
杳大笑下土真沙蟲

聽教坊舊妓郭芳卿弟子陳氏歌

時至正己亥歲作

文皇在御昇平日苑宸遊駕頻出仗中樂部五千
人能唱新聲誰第一燕國佳人號順時姿容詞舞總

此處如生名後叙法不
匪又從丹鳳榜朝元際
可列快斜

能奇中富奉旨時宣喚立馬門前催畫眉建章宮裏
長生殿芍藥初開勅張宴龍笙罷奏鳳絃停共聽嬌
嗔一鸞轉過雲妙響發朱唇不讓開元許永新綉陛
花驚飄艷雪大梁風動委芳塵翰林才子山東李每
進新詞蒙上喜當筵按罷謝天恩捧賜纏頭蜀都綺
晚出銀臺酒未消侯家主第強相邀寶釵珠袖尊前
賞占斷春風夜復朝回頭樂事浮雲改瘞玉埋香今
幾載世間遺譜竟誰傳弟子猶憐一人在魯記霓裳
學得成朝元隊裏藝初呈九天聲落千人聽丹鳳樓
前月正明撥斜貴客迴車馬不信芳名在師下風塵

此休唐人多擅端者此
首五不為竟笑不必嘆得
分作兩截九句國哀耶
餘如情畫效

一且禁城荒誰是花前聽歌者從此飄零出教坊遠
辭京國容疎方閉門春盡無人問白髮青裙不理粧
相逢為把雙蛾蹙水調梁州歌續續江南年少未曾
聞元是當時供奉曲朝使今年海上歸繁華休說亂
來非梨園散盡宮槐落天子愁多內宴稀始知歡樂
生憂患恨殺韓休老無諫傷心不見昔人歌汾水秋
風有飛雁此日西園把一危感時懷舊盡成悲含情
欲為秋娘賦愧我才非杜牧之

林屏山水圖歌

畫師知余愛青山久墮塵網無由還故將列岫寫屏

障使我卧起於其間從此長如宿清境枕上分明見
峰嶺爐烟曉入帳中飛擁被驚知白雲冷丹崖碧樹
層層開江雨遠遂孤帆來就中樓閣是何處彷彿神
女巫陽臺楚山脩竹瀟湘水似有清猿忽啼起江南
千里夢遊歸半床落月高堂裏

方隱君山園

仗向清峭拔仙顏却如

吳興城南山水勝竹樹參差萬家映幽深誰似隱君
園車馬不來鷄犬靜兩溪迴通柳巷曲一峯立對柴
門正東西別墅恰更好孤棹往來隨晚興總令種菜
不種桃新製長鏡木為柄家僮頗解侯天時隣叟還

能論地性。交交林路。騎復開活活。野泉流不定。清晨
聞鳥欣。獨往濃綠。潑晴畦色淨。老葉垂根。孤蚓踟蹰。殘
英綴梗。群蜂競乍。紫新蔓喜。籬長欲迸。晚茅嫵土。硬
此時採擷。自足飽肯。為食肝煩。縣令古來名園。悉可
數。金谷辟疆。誇獨盛。鑿石圓開。弄月池買花。深作行
春徑。愛妾宵陪。乘燭冥。狎朋晝接。流觴詠。長年歡樂
豈知極。迴省芳菲。屬它姓。只今誰解。問遺蹤。斷甃摧
垣無一剩。乃知厚業。要德守。那得衰榮。但言命。君能
勤儉。遺子孫。應有佳名書。郡乘

觀顏蕃所藏宋賜進士絲鞭歌

直叙紀

臚傳殿下呼名字。進士新充探花使。內人縮結綵鞭
成。恩與宮袍一時賜。不用頻將柳下揮。馬蹄得意自
如飛。影裏夕陽何處去。曲江園裏宴初歸。天街直拂
花枝。過擇婿高樓。彩毬墮。令人把玩。憶當時。零落春
風幾縷絲。

憶昨行寄吳中諸故人

憶昨結交豪俠客。意氣相傾無促減。十年離亂如不
知。日費黃金出遊劇。孤裘蒙茸欺北風。霹靂應手鳴
雕弓。桓王墓下沙草白。彷彿地似遼東。城馬行雪中
四蹄熱。流影欲追飛隼。滅歸來笑學曹景宗。生擊黃

昔人都以詩首為青
即七古中第一也後
幅多學恠句非全
原也

其與直守出言
尤佳

璋飲其血。臯橋泰娘雙翠娥。喚來尊前為我歌。印印
欲沒柰愁何。迴潭水綠春始波。此中夜遊樂更多。月
出東山白雲裏。照見船中笛聲起。驚鷗飛過片片輕。
有似梅花落江水。天峯最高明日登。手接飛鳥攀危
藤。龍門路黑不可上。松風吹滅岩中燈。衆客欲歸我
不能。更度前嶺緣峻嶒。速携茗器下相候。喜有白首
楞伽僧。館娃離宮已為寺。香逕無人欲愁思。醉題高
壁墨如鴉。一半歌斜不成字。夫差城南天下稀。狂遊
累日忘却歸。座中爭起勸我酒。但道飲此無相違。自
從飄零各江海。故舊如今幾人在。任荒烟落日野鳥啼。

寂寞青山頽亦改。須知少年樂事偏。當飲豈得言無
錢。我今自筭須未老。豪健已覺難如前。却嗚呼去不
可止。來日方來猶可喜。古來達士有名言。只說人生
行樂耳。

明皇秉燭夜遊圖

華鬢樓頭日初墮。紫衣催上宮門鎖。大家今夕燕西
園。高藝銀盤百枝火。海棠欲睡不得成。紅粧照見殊
分明。滿庭紫燄作春霧。不知有月空中行。新譜霓裳
試初按。內使頻呼燒燭換。知更宮女報銅籤。歌舞休
催夜方半。共言醉飲終此宵。明日且免群臣朝。只憂

長吉惡派

風露漸欲冷正妃子衣薄愁成嬌琵琶羯鼓相追續白
 日君心歡不足細此時何暇化光明去照逃亡小家屋
 姑蘇臺上長夜歌江都宮裏飛螢多一般行樂未知
 極烽火忽至將如何可憐蜀道歸來客南內凄涼頭
 盡白孤燈不照返竟人梧桐夜雨秋蕭瑟

黑河秋雨引賦趙王孫家琵琶蓋其名也

胡天夜裂天垂泣雲壓鷹低翻翅濕鬢玉醉影抱寒
 驚檀殿嘈嘈箭鳴急紅冰淚落衰燈下倒卷河流入
 絃鴻瘦駝卧磧歇鈴車朴朔陰沙鬼行野漢私語
 鬢風淒都護營荒咽凍擊蘭山水乘連愁起散入塞

通首韻多抄

門三萬里夢斷金蟾隔烟小青冢埋聲秋不曉

期張校理王著作徐記室遊帝阜

前身似是雲水僧餘習愛覓名山登取冷帝阜在平
 地一丘勢敵千峻嶒缺厓深深翳密葉欹石兀兀纏
 危藤昔年無事恣幽賞拄杖叩門來屢曾風廊聽竹
 移廣簟雪屋煨羊明高燈禪堂素壁醉題滿老衲喜
 客無嗔憎別來三載困塵土散落略盡同遊朋谷棣
 清叫烟霧隔宵夢欲往天曹曹幽懷鬱抱不得寫一
 月雨聲眠枕肱相親尚有北郭友材盡齊楚慙曹滕
 張君名駒稟神駿王子快鶻生鋒稜並淹客館校遺

名如極勢太寬寬
亦不工

籍雲路萬里遠騫騰徐卿亦是瑚璉器遠後又欲行
擔簦明朝山鵲定鳴霄跬步可遊何不能一林一澗
幽景在遙想與鵲無虧增未櫻綠筍雖已過正愛夏
木陰層層欲營此行况甚易婦有藏酒魚新曾出城
不必借車馬已辨布韜青行膝吾儕雖窮自有樂相
聚豈比蟲齧齧亂離撥棄且勿道願賦妙語留傳騰
廣陵孫孝子愛日堂
昔自中原兵甲動志士憂時久心痛千村殺戮鷄狗
無骨肉誰家保相共楊州受禍聞最深徒恃堅城鐵
為甕城中義丁一百萬皆委溝谿不成用至今草長

都頂崇版卷初才
不辛

鬪骸臺月黑精靈尚哀慟君時負親獨竄匿何異網
魚逢脫縱遠道秋風舊橐空長江暮雨孤帆重竭來
吾鄉今年十年孝友爭傳似張仲雖嗟故里未能歸却
喜新堂還可奉盡歡唯啜小人羹致養寧須大官俸
只愁老景苦駸駸羲馭西馳疾飛鞚畫看花影頭遲
移晚聽角聲驚早弄長繩未解繫飛鳥每計餘年憂
且恐嗟余少已失庭闈宰木亂未無地種欲娛朝夕
難再得誰惜流光去如夢自慙不及君慶多酒淚夢
義空廢誦寸心猶願時早平重為河清作歌頌萬國
同看化日長生能養親死能送

贈胡校書奎

看似不順者極其瑰別遠之妙

我初遇子東海濱，本苧衫蓆帽凌風塵。登城觀濤共歎息，見者不識何如人。字歸時憶近看燈節，孤舟夜過黃岡雪。書來書往道加殮，幾日相逢五年別。再會之計何悠哉，折我未及去君能來。秋風吹淺大湖水，乘興上得吳王臺。吳王臺前白楊柳，西施去後吳娃醜。四海同為此地人，百壺獨買誰家酒。一更尋豪客作夜遊，歎弄明月琵琶洲。有愁為君亦蕩滌，何況我輩元無愁。醉中狂談君可怒，且共周旋莫歸去。秋光已美逼重陽，好為黃花三日住。

溫陵節婦行

泉州陳氏婦夫泛海溺死守志 志

妾家溫陵近南浦，嫁得良人業為賈。良人長年愛遠遊，不敢新粧映門戶。販寶遙聞去百蠻，朝朝海上望青山。其不仁無那蛟龍橫，深淺孤舟不得還。君非渡河老狂父，波濤如山何不顧。尋屍便欲赴窮淵，膝下嬌兒誰與哺。十載空閨守寸心，滄溟水淺恨情深。願身不化山頭石，化作孤飛精衛禽。

答余左司沈別駕元夕會飲城南之作時在

園中 存

易因青山此處不立
又作望石絕

青帝行春氣初播雲氤餘陰苦難破江頭碧草生未
長戰馬寒嘶齧殘塗炊烟冷落雨中濕隣屋時聞有
啼餓我愁鬱鬱但欲眠案上詩書慵自課却思去歲
屬無虞元夕共歡人幾箇高堂細聽落梅歌手擘黃
柑香噴座客酬主勸總忘曉看盡繁燈逐星墮抵今
照市但群蜂樂事淒涼誰復作故人念我有二子省
內郎官府中佐別離兩月不相逢身佩弓刀從戍邏
欲尋舊賞慰勞後笑拂尊前且安坐老兵折簡走相
呼謂我閉門無乃儒黃昏遠就向城南敢惜春衫凍
泥浣軍中有會異尋常牛肉瓮肥酒卮大胡奴帳下

燭影二句先上聲

出琵琶復拊銀箏與相和燭殘未聽荒鷄號絃斷忽
驚哀鴈過湏臾顏熱起叫嘍不記亂離仍轉軻更聲
杳杳繞旗門劍匣楷頭容醉卧歸來又辱寄新詩錦
水渝腸珠落唾豪吟自欲繼燕歌悲調豈將同楚些
覽之幾度感深情曲高和難非懶惰我生無力本何
用衣食自來供馬磨雖家鄉曲餒虛名正似南箕不
堪歎君才於世俱可珍周賈東遊抱奇貨艱危壯氣
喜彌激利器未施寧忍挫頗聞原野多殺傷風雪呻
吟苦無那吾儕斯樂豈易得應愧皇天恩獨荷明年
此文會昇平把酒相邀更相賀

及醒元夕園中正興去
歲社春相左

詩中引平一古不列

江上晚過隣塢看花因憶南園舊遊

去年看花在城郭今年看花在村落
花開依舊自芳菲客思居然成寂寞
亂後城南花已空廢園門鎖鳥聲中
翻怜此地春風在映水穿籬發幾叢
年時遊伴俱何處祇有閒蜂隨繞樹
欲慰春愁無酒家殘香細雨空歸去

清而平起四句廣德
兵後逢張孝廉醉移寒中梅鏡在詩林之效

前年遠別君父子遭亂相傳皆已死
今朝南陌忽逢君為識人中一語音
似君言從親渡海濤欲避兵禍辭官曹
閒閑僅得返鄉里脫命羅罔真秋毫
問我胡為

以尚我二字聯紙到自

家一邊化板為活

忽又轉肉到中窠
要以此口反

全生仿白如欲自出
新法

亦憔悴十月孤城陷園內難難兩地得俱全
政荷皇天憐我輩相看握手非偶然痛飲豈得愁無錢
城中故舊散欲盡君來使我忘憂悔還思當年事未改車
馬紅塵浩如海等閒列第化秦灰試問主人誰復在
請君看此應感吁世間富貴皆空虛客遊且莫更彈
鋏讀書歸臥先人廬

夜飲丁二侃宅聽琵琶

江月未出明星懸主人飲客夜不眠坐呼伶兒撥四
弦龍頭高撚玉軫圓轉闌未奏雙索先勞嘈咽切斷
復連滋如清澗溜凍泉細若綠樹吟秋蟬忽然繁急

何處聞風沙滿把撒四遊雁行驚起飛不聯浮雲落
葉俱綿綿一聲抹斷萬里烟夢入紫塞愁胡天問渠
愁恨有幾千口不能說指為傳令人悵望思往年梁
園楚榭長周旋帷中曲宴羅綺鮮夜遣飛騎迎嬋娟
低鬟出拜絳燭前文絲香緜搭左肩曲項紫鳳抱半
偏楓香一調妙入玄好手正可羞紅蓮座間豪客皆
詞仙舉杯邀我賦短篇贈之醉寫蜀錦牋可當十萬
纏頭錢如今遠客江海邊欲聞絲音久無緣故人已
散陵谷遷生死流落俱堪憐今宵聽此真偶然顧影
憔悴非昔妍長河欲曙落遠川暫當歡娛反憂煎向

隅無言涕淚漣此身如在潯陽船

曉睡

野夫性慵朝不出弊簣蕭然掩閒室村深無客早敲
門睡覺長過半簷日林聲寂寂鳥鳴少窓影交交樹
橫密此時欹枕意方恬一任林風亂書帙昔年霜街
踏官鼓欲與群兒走爭疾如今只戀布衾温悟從前
計應多失厨中黍熟呼未起妻子嗔嘲竟誰恤天能
容老此江邊無事長眠吾願畢

東池看芙蓉

江天搖落逢秋抄滿目殘荷與苦蕒東家喜有木芙蓉

少密二字微

口心痴低生損板法

用少西莊事以何

容幾樹繁開依綠沿穠豔低將流水喚寒香遠逐迴
風裊半愁霜露倚蕪葭老去徐娘猶窈窕天公似厭
秋冷淡故發芳葩媚清曉莫嗟不及見陽春車馬塵
埃相汗少吳王宮廢斷行客湘女祠空掩啼鳥何如
此地獨來尋靜對嬋娟散憂情蘭舟雖無美人採日
暮孤吟自行繞明朝重到恐消覓零落紅雲波渺渺

謝廬山宋隱君寄惠所製墨

瓦箒自掃烟埃濕風雨空山杵聲急香爐峰前五粒
松燒成片玉玄香濃寄我團團未磨缺有如蝕盡天
邊月陶泓日暖水滿池雲氣忽起秋淋漓茅屋光寒

怪就白不着

密心懼上有蛟龍欲飛去便思寫檄驚天驕夜磨楯
鼻永不銷又思作賦獻天子曉出洛陽價增紙我今
年少才不多兩事未能如墨何但學顛狂如醉旭頭
髮可濡秋未禿

美人撲蝶圖

花枝揚揚蝶宛宛風多力薄飛難遠美人一見空傷
情舞衣春來綉不成乍過簾前尋不見却入深叢避
鶯燕一雙撲得和花落金粉香痕滿羅扇笑看莫向
園中歸東家西家休亂飛

次韻周誼秀才對月見寄

空林鶴鳴草堂靜。桂影亭亭月初正。憐君獨卧對中
秋。尊酒無人起相命。夜深詩成遣寄我自訴窮愁。兼
疾病。嗟余比君愁更多。舊感新憂來每併。前年看月
綠茗園。賓客當筵一時盛。自吹橫笛倚清歌。痛飲不
知醜。屢罄去年園中在北郭。何異孤豚落深窞。登樓
強欲攬清輝。刀斗連營不堪聽。今年旅寓向江渚。暫
喜東南亂初定。聞來未厭戶張羅。貧去唯愁室懸磬。
牧兒耕叟共來往。那得衣冠解相敬。久居村野坐自
鄙。銷盡豪懷與狂興。風塵無復舊時顏。愧見相逢問
名姓。朋友凋零江海空。弟兄離隔關山迥。良宵佳月

雖可賞。羸影窓間竟誰並。迢迢河轉漏初長。城城葉
鳴風稍勁。此時倚壁自孤吟。只有蛩聲與相應。初疑
此月定非月。應是人間照愁鏡。還思人愁月豈知何
苦多。憂損情性一生能幾見。此月盛年若去尤難更
明宵圓景未便虧。落盡夫容江色淨。君能強起從我
歡。共入空明恣游泳。直期枕藉向舟中。不啻遙天垂
斗柄。

高太史全集卷之九

高太史大全集卷之九

吳郡高啓季迪著

南州徐庸用理編

七言古體

姑蘇臺

姑蘇臺在蘇州城西

金樵夜築西山土一作石催作高臺貯歌舞一作石文身澤國構王

基却笑仙人獨何苦銅鋪玉檻成繁華一作石幻出峰頭一

片霞望處直窮三百里一作石後時應廢幾千家一作石縉空曲路

迷仙仗攀盡瑤梯繞到上外繞雕龍宛轉欄中施綉

鳳歲蕤帳熏爐長藝鬱金香共道千齡樂未央茂苑

以下叙吳王遊

月來秋佩冷。洞庭雨過夏綃涼。當窓衆妓如仙女。揚
袂迎風欲輕舉。人從天上見經過。鳥向雲間驚笑語。
日暮橫塘花盡開。捲簾臺上望玉來。宴舟初自觀魚
返。獵騎還從射鹿迴。從登不用持鉞隊。自列紅妝侍
高會。香傳羅帕進黃柑。縷切鸞刀供玉鱠。燭光遠落
太湖波。驚起魚龍出沒多。城上烏啼河漢轉。此時誰
問夜如何。管絃嘈嘈聒人耳。不聞兵來渡溪水。欲携
西子走登舟。醉倚畫欄嬌不起。瞑目無因到甬東。可
憐一炬綺羅空。獻榻竟墮讐人計。賜劍應孤諫士忠。
客來試問遺宮路。物色荒涼總非故。攬衣始信不虛

首句甚廣人常低

言滿地荆榛。見零露當年爭奪苦。勞機却把江山付
落暉。聞說越王臺殿。如今亦有鷓鴣飛。

初入京寓天界西閣對辛夷花懷徐七記室

去年寺裏開辛夷。君來憶我曾題詩。今年我來君已
去。思君還對花開時。欲尋花下君行迹。日暮空庭古
苔碧。殷勤把酒問花枝。看過春風幾行客。

題高彦敬雲山畧

尚書生長臺下。慣識風沙草漫野。何由得見山水
知烟嶺雲林遠。能寫平時四海作宦遊。高興最愛江
南秋。雲漢清曉刻溪晚。閑解狂轡尋扁舟。此中謝屐

把便別致

悅知字不甚的

曾經處半是啼鴉棲宿樹斷橋旗下問農歸遠寺鐘
邊訪僧去風流一沒歲未遙坐覽遺迹成前朝何當
遍覓畫中景聖恩已許後漁樵

百花洲

吳王在時百花开畫船載樂洲邊來吳王去後百花
落歌吹無聞洲寂寞花開花落年年春前後看花應
幾人但見枝枝映流水不知片片墮行塵年來風雨
荒臺畔日暮黃鸝腸欲斷豈唯世少看花人從來此
地無花香清材必合元調

富余新鄭

前年吳門初解兵君別故國當西行行有司臨門暮驅
發道路風雨啼猿嬰倉黃不敢送出郭執手暫立懷
憂驚我時雖幸脫鋒鏑亂後生事無堪營移家江上
託地主開園借得親鋤耕春朝起沐日照屋野卉雜
發鳴鷓鴣思君萬里不可見對此涕淚如盆傾有壺
當軒忍自酌有句在卷邀誰評走投北郭問消息一
客為我言分明君初隨劍請關下有
古講徒鍾離城賣無囊金從無僕棄家獨去何惻惻
長淮粘來趣前渡牙眼怖客浮鼉鯨到州鞠躬謁太
守脫去官籍脩編氓城荒無屋寓來客旋乞廢地誅

逢神異鄉何人恤同患喜有揚子兼徐鄉日高破電
烟未起閉戶不絕我詩聲去年

聖思念逐客特賜收拭加朝纓勅君赴汴聽銓擢

路美舊驛猶千程沙河無雨夏雲熱茅蒿夾岬多蛟

蟲舟中感癘得下池乃攬腸腹開伊嚶荒途無藥相

救療伏枕兩旬幾殞生終藉神明佑吉士疾勢漸脫

身強輕一官署作新鄭簿捧檄已去詢田更我雖歷

歷聽客語虛實未察憂難平初春

天子下明詔欲募前史羅儒英非才亦辱使者召辭

謝不得來南京日斜出局訪君舍草滿陋巷春泥

晴入門小女識父友延拜學訴艱難情且云父意念

家遠新遣兩卒來相迎酒吏出君寄我札上有秀句

如瓊瓊自陳前事頗一一與客舊說無虧益讀終呼

卒問彼士卒言幾年經戰事河山蕭條縣雖小民少

奸詐多淳誠春秋古稱鄆子國漆洧水活魴魚頰唯

兔咻咻草間走雉雉角角乘顛鳴谷深稀逢種田者

時有射戶棲山棚霜天赤棗收幾斛剝食可當江南

稅官來撫民務無事鞭挂壁上無敲撈寒廳吏散獨

坐嘯遠對嵩少當蒼檻聞之離抱頓舒豁如吸清露

醒朝醜便因卒還寄君語此邑小鮮聊試烹幸逢

一政轉旋此下一直列后

昌朝勿自棄。願更努力。備嘉名。吾皇親手擁高筮。
洒掃六合氛塵。清海中夷。雀已入貢。隴外戶版初來。
呈大開明堂議禮樂。學士濟濟登蓬瀛。大廟冬蒸薦
朱瑟。千畝春藉垂青絃。用材不肯略踈賤。銖寸盡上
天官衡。况君磊落挹奇器。不異一鶚秋空橫。豈容久
屈簿領下。天道始塞終當亨。文章期君歸黼黻。借問
報政何時成。

送林謨秀才東歸謁松江守

為詳後賦

江城秋陰朝不暉。落葉古巷人來稀。林生何求乃過
我。敗屐躡雨投閑扉。自言少習澤宮射。思侶衆士登

王畿。風塵失路因漂轉。我豈無志時其違。欲充材官
挽強弩。關塞莫解窮城圍。將從隱者服短褐。霜露難
采荒山薇。長年旅舍破氈冷。坐厭蟋蟀愁伊威。諸侯
得意盡輕客。顧影竟傍何門依。南津昨夜砧杵動。風
來燭前驚攬衣。家人倚戶望應久。宿春未辨悲慙歸。
今朝江帆偶東轉。願借子語為先揮。嗟予亦坐窮作
崇。讀書不出遭罵譏。士無賢否貧者鄙。此言信矣誰
云非。囊乏黃金可揮贈。有詩豈救君腸飢。雲間使君
本儒者。貴顯尚肯矜寒微。倘開深池養病鶴。冀成待
看摩天飛。

收命松江守也此通
看神注之文法構不
佳

亦字与川字不學

青卯題畫都不進

圖字与沈字不進

畫初字法

玄武門觀后園

目覩燿燿卧深園羽林獵士初擒獻腥風一嘯猶辟
人况在空山道中見莫憶橫行藜藿間且隨玄豹守
天關垂頭食肉嗟何補漢家將軍乃真命

美人摘阮圖歌

圓槽象月脩寒玉暗貯宮商滿空腹美人和恨抱秋
風偷寫琴中舞鸞曲傾鬟低黛幾娉婷夢約湘娥倚
竹聽滴盡冰盃老蛟泪阿咸帳底醉初醒梧桐落翠
菱蘭紫仙澗流雲含玉子甲屏難障夜深寒恐踏驚
鴻忽飛起不識人間出塞聲瑤臺别有斷腸情調終

人去哀絃歇桂樹烏啼滿山月一作墜斜月

香水溪外化院法為多物致

粉痕凝水春溶溶暖香流出銅溝宮月明曾照美人
浴影與荷花相間紅玉飢羞露誰能見只有鴛鴦窺
半面絳綃圍掩怯新涼歸卧芙蓉池上疑空洗鉛妝
不洗妖坐傾人國幾良宵驪山更有湯泉在千古愁
竟一種銷

贈丘老師

長春之孫自仙骨袖有蟠桃食遺核平生不學燒汞
方唾視黃金等何物滿城誰識舊庚乘白髮人中似

將因古仙名

鶴長時上高樓。惟獨醉榴皮。書破壁塵香。

送許先生歸越

天子下詔徵賢良。多士競逐風雲翔。先生亦隨使者起。闕下再拜陳封章。自稱前朝老進士。白髮已短林非長。群龍在廷。翊昌運。疲蹇豈足追騰驤。乞還山林養餘齒。歌頌

聖德傳無疆。近臣上

殿為陳請

天語特許歸其

鄉。是時海國風雨涼。道士庄下初栽秧。故山農事不可緩。歸興倏與高帆揚。從容進退遂所願。帝恩甚大誰能量。嗟余相逢恨苦晚。忽去未免私心

傷明朝相憶。望於越江水東逝。何洋津讀在

蔡經宅

昆侖主者王方平。身騎黃麟朝紫京。舉手長辭漢公卿。得道不願世上名。往來隱玄與朱明。洞中各有白玉城。絳衣游空擁幢旌。三山五嶽自按行。冷風吹動天樂鳴。璫蕭琅璈和鸞笙。羽衛蹙踏山海崩。龍車鶴馭紛相迎。嘯呼神官走吏兵。矯魅魍魎且驚暫。來經家駐雲程。人馬不見但有聲。虎頭擊囊佩蒼精神。光赫然照軒楹。授以至言可長生。凡骨已作蟬蛻輕。麻姑來會尋仙盟。芳姿娉婷似飛瓊。言從昔年宴蓬

短字長字守而拙

北二顏未詳

瀟又見弱水三淺清水瓜可爬背念始萌仙意已識遭
苦榜餘杭阿姥酒罷傾攝景忽去烟雲橫家人悲望
空惻惻素田回首幾變更神僊水在在每自呈凡夫不
識等瞽育丹元有田不解耕但愛狗苟還蠅營榮華
未滿咎責盈忽化腐鬼歸荒塋金丹可學道可成木
鑽石盤貴精誠誰能自按水火坑飛游往來瑤樹英
千載或有歸來情寒叙句後不詳

獨遊山中憶周記室砥

借居水北隣雲岩醒遊醉卧月滿玉空山孤愁似放
逐踐蛇衝席窮幽探緣梯上窺萬仞壁垂綆下汲千

引八周記室往別

丈潭幽蘿翳壑變朝晦在齊發澗留春醉青山識我
豈生客曾與周子來聯驂是時秋高鶴聲厲霜降雨
崦纒收神飯餘洗足上堂坐手揮談塵風飈飈如今
故人亦遠去帆葉暮落吳江南斷崖蒼蘚漫舊刻往
夢追想情何堪巴僧不厭客屢至篝燈夜禪同一龕
風回忽洒石門雨日出盡消溪布嵐乃知山水有深
趣天意獨許窮人諧我今豈是慕高隱非才濫進能
無慙業緣種種去畧盡惟有佳句猶相勉便求安心
向佛祖不待婚嫁女與男存法不示

送證上人住持道場

夫入自家名有後

訖公昔年住寶坊龍象蹴踏騰毫芒袈裟曾侍玉座
 傍萬衆閑聽講仁玉弟子如雲來四劫朝鍾暮鼓鳴
 高堂西歸葱嶺今幾霜鉢傳曇師道彌昌麓林主教
 遇聖皇紫衣朝 關隨班行上人繼吐三業芳衲間
 長繫摩尼蒼人間萬念俱已忘獨好遊戲談文章我
 來京師寄禪房每邀看月開脩廊手橫繩拂坐繩床
 竹間風吹煮茗香侍僮觸屏睡欲僵高殿宿鳥驚琅
 璫詩成金磬韻尚揚清才未必慙支湯有時夜剪園
 韭嘗燈懸西齋雨浪浪人生聚散不可常翩然東遊
 主道場道場仍在雲水鄉碧瀾堂前去路長江湖寒

莫

縮蛟蜃藏楓柏正赤橙柀黃烟銷日出聞漁柳洲渚
 宛轉山低昂蕭然瓶錫隨經囊留宿肯戀林中衆兵
 餘慕嗟梵宇荒勝景未逐樓臺亡寺門無人閉夕陽
 芋栗收作山中粮好說千偈恢禪綱麾斥佛祖誰敢
 當我方無用縻太倉叨逐劍珮趨 明苑醉譎欲覓
 玄真狂懷

贈墨翁沈象泉

恩未得尋歸航明朝舉首空相望雲飛笠澤天茫茫
 南朝墨法稱奚家相國謬費盈連車堆金欲沽世已
 少至今好事成咨嗟潘生後出亦奇絕峨嵋僊子嘗

相誇紫殿曾供寫飛由玉堂每用書官麻人間留藏
敢輕試傳玩正比雲龍茶沈翁遠得二子妙珙璧自
美誰能瑕徂徠老節燒欲盡萬杆夜搗玄霜華錦囊
贈我忽在几光恠迸屋驚早鴉一餅團團未磨缺似
月食盡逢妖蠶此物宜歸大手筆濡染竹帛垂無涯
上當紀頌聖功德下可論載臣忠邪我今才薄况病
退破硯久棄塵生漜一朝得此復可用慚註魚豕箋
虫蝦摩挲忽動揮洒興聊吟險句追島又高堂淋漓
為君掃醉汗舊賜宮袍花

聖姑廟

不教髮絲絲不寒為

湖心湧出龜頭山白波翠島非人寰清虛宜作水仙
府鱗堂荷屋居其間淵都群靈孰為主烟鬢備然一
神如柔姿誰敢狎相親咲叱鼉龍起雷雨玉骨輝經
蛻幾劫世緣已斷靜無愁采蘭每約湘濱會拾翠時
陪漢上游水禽翔鳴衛芝蓋長在蒼茫杳冥外然人
獻綃裁作衣螺女供珠綴為佩花落間祠謝古春蕙
幃瑤席掩香塵空山夜夜星河遠芳渚年年蘅杜新
霞舒霧捲凝光粉咲語無聞復誰待冷風幾度引舟
迴宛似蓬萊隔烟海猿叫楓林魚躍波桂旗翻翠暮
寒多女巫佇望飛翥度獨奏空侯引曼歌樹觴奠罷

沈玄壁鳥決遙天湛空碧遺情不結楚臺雲世人何處尋踪跡

送王孝廉至京省其父待制後歸金華

君來金陵自金華遠道聲確驅行事空山北風正多
雪歲晚何事穿泥沙君言省觀敢辭苦况是日下非
天涯問安已畢起稱壽白門酒香還可賒明燈客窓
共夜語便覺春意迴寒機子亦叨

息在京國早踏街鼓門初過日斜歸來就空扉索寞
不異投林鴉家人千里望未至虛聽簷鵲鳴喳喳羨
君父子此相見頻起歡笑忘咨嗟異鄉逢人即可樂

出 印從者應才華

况尔骨肉誰能如汝翁文章擅當世片語落紙爭傳
誇身登昌朝列侍後日曳珮玉趨南衙捧函當 殿
曉進心乘燭鎖院宵書麻觀君才氣已略似青海異
種安醜編絲綸便可令世掌胡為趣別東還家阿婆
在告待詞騰計日敢使歸期差往來兩地慰親念如
君孝意誠堪嘉勞勞亭下冬日短江水未解魚難叉
送君揮手忽已遠烏巾獵獵風中斜重闌題拜想無
恙故園正見開梅花

淮南張架閣家舊有樓在儀鑿江上經兵燹
已廢與予會吳中乞追賦之

秋風嘗與遠遊篇樓中舉手招飛仙山奔海瀉盡供
覽過思每出飛鴻前雕欄一別應非昨幾度淮南桂
花殘酒酣却作望鄉人那得東歸似黃鶴風景如今
總壓看客愁何處更凭欄欲問日邊知遠近浮雲回
首燕長安

石崇墓

蚌須欲怒珊瑚拆步障圍春錦雲熱真珠換妾勝驚
鴻笑踏香塵如踏空酒闌金谷鶯花醉家逐樓前舞
裙墜財多買得東市愁羅綺散盡餘荒丘猶憐白首
同歸者坐伴遊魂楓樹下

題朱元暉雲山圖

海岳老仙非畫工自有丘壑藏胸中大兒揮酒亦真
比妙趣政足傳家風敷文閣下書圍淨夢入空山覺
衣冷起招練筆寫幽踪一片飛來楚雲影彷彿三湘
與九疑翠峰猶抹二娥眉水生江上鴻歸後樹暗沙
頭春去時蒼蒼遠渡連平麓烟火參差幾家屋林深
谷靜斷行人惟有禽聲啄枯木偶向高齋玩此圖斷
縑猶費千金沽自緣絕筆人間少如此雲山何處無

穆陵行

永穆陵宋理宗陵也在會稽元至元初西

僧揚發輦真住請發宋諸陵許之既取其
殉寶復以理宗頂骨為飲器後藉入官以
賜帝師 天兵克元 詔求得之命有司

歸壘焉

撲船載國沉海水金槌畫入三泉裏空中玉馬不聞
嘶日落寢園秋色起魚燈夜滅隧戶開弓劍已出宮
幽臺髡胡暗識寶氣盡六陵松柏悲風來五顯深注
駝酥酒誤比戎玉月支首百年帝魄泣穹廬醉骨飲
冤愁不朽幸逢中國 真龍飛一函雨露江南歸
環珮重遊故山月冬青樹死遺民非世傳有土嘗竊

雜引井中史化位与

小序不合

樹冬青 千秋誰解銅南山世運興亡覆掌間起輦谷
前馬蹄散白草無人澆麥飯小序未嘗

題朱氏梅雪軒

石城山居梅萬塢冒雪曾來扣僧戶爛然如見會群
妃白鳳繽紛下瑤圃數片輕吹着鬢華乍看是雪又
疑花迷魂亂眼春如海那辨南枝映竹斜獨披鶴氅
穿林去棟壓寒梢應幾樹聽響方知夜酒時聞香始
識繁開處回首春風憶舊遊夢尋歸路隔羅浮年來
驢背無詩思醉踏塵埃空自愁聞道君家溪上下玉
藥瓊英巧相亞履跡誰來東郭朝笛聲不起南樓夜

此物極清迥石上京

結酒脫

翠羽驚啼莫怨猜。破寒宜共一尊開。雪晴花發須相記。我亦扁舟乘興來。

和衍上人觀梅

觀梅有記

藍輿偶出青山郭。寒梅初晴凍雲薄。梅花一路幾千株。半發園林半村落。夜窓轉曙鷄欲驚。寒谷回春蝶應覺。浩蕩才迷醉客魂。嬋娟更伴幽人樂。我來如蝶東西飛。不敢題詩慙筆閣。歸來落日照書屋。重覓餘馨夢難托。高僧已澄法眼觀也愛一枝供寂寞。便拖藜杖敲竹扉。遮莫人嗔賓客惡。風雨休嗟已亂飄。世間何物長如昨。

天閑齋聽赤驃二馬歌

房星化与踰沙少
出不变化

漢家諸將開經濟。列宿儲精降人世。天遣同成一代功。亦有房星化驃。青驃剪鬣高作花。赤驃灑汗散成霞。人間何處得奇種。恍惚西至踰沙。年來百戰從天子。曾逐烏驃到江。西不懸飽食玉山。未天

蹴踏白与时清少
白雜香

既時清少鞭使周王八駿去不來。唐帝六馬應九材。何如二龍總絕。蹴踏四海荆榛開。國官雙龍頓。延頸萬里長。揪忍驚驚嘶。東秋生團團。風吟時曉動。昆明霧一疋。前牽一疋。騎馳道每出隨。龍旗態閒。步懸。上意不敢推。頓黃金。馬昨春。巡狩還都邑。鏡

吹聲催移伏急射林萬騎從如雲追逐飛塵豈能及
嗟哉此馬不異人乘時際遇蓋有神請看垂耳並車
者那得昂藏八尺身每四句自為一聯屬去聲精舍神氣

題李德新中宗射鹿圖

藉袍玉帶虬鬚怒人如真龍馬如帝英風猶似天可
汗肯信昏孱困常武上林草綠聞呦呦飛鞚壁厯捐
長批畫旗圍合晚猶獵後庭雙陸誰行籌追遊不記
房陵辱五王請來勢猶獨空誇大羽發無虛不射妖
狐射生虛畫圖令人生感嗟天寶回有飄胡沙神孫
早解習祖藝不違樹出宮中苑

題趙希遠萬松金闕圖

趙子湊成豈為成法完

長松掀鬚若群龍下繞宮闕雲千重鳳凰山頭望前
殿翠濤正涌金芙蓉海門日出潮初上白鶴飛來近
仙掌百官候綴紫宸班露滴朝衣氣森爽漢宮楊柳
唐宮花容易零落空繁華何如可獻至尊壽茯苓羹
似安期瓜饜與因戀湖山好撲閣清陰勝蓬島不知
風雨汴陵前曾卒新樵幾株倒當日榻前初進圖黃
金趣賜聞傳呼何年流落在人世父老猶看思舊都
客行近過吳山下落葉空林惟敗瓦豈無畫史似前
人秋色淒涼不堪寫

芥舟詩

佑容海上誇乘風大艣遠憂龍魚宮帆如乘雲落天
外不假羽翼行虛空驚濤拍山撼難動安卧每到扶
桑紅回頭却笑垂釣子斷溝老葑留孤蓬烏知達人
解物表坐視大塊舟航同風輪晝夜不停轉元氣下
載浮鴻濛泰山亦與一塵等何以巨細論唯雄君今
齋居何苦小自比置芥坳堂中將身便欲入無間險
語乍出驚愚蒙我聞懸珠納萬衆此事尚覺勞神功
萬千毫髮盡非有幻相欲別誰能窮君行真鼓萬里
柁天游閉戶隨西東何須更待積水厚區區往問南

華翁

題周遜學天香深處卷卷字不到

仙芬染骨濃無跡秋心畫堂薰不隔夢尋老蟾烟霧
迷碎落金蟲夜愁寂素娥舊我無兩翫萬古散吹秋
滿空熏羅不藝象籠火人倚畫欄清影中蕙蘭暗泣
幽馨歇只有瑤芳占涼月

同謝國史遊鐘山逢鐵冠先生

日日城中望鐘山孤塔縹緲峰孱顏山靈嘲我不一
到但命俗駕趨塵闕
聖恩今朝許休沐得與謝客同躋攀出郭未至景已

好松風一派連清灣空林無人遇釋子知有曲徑通
 禪關舉頭見寺去尚遠鍾磬響落浮雲間登高不知
 已幾里但恹力盡愁辛艱眾山雜遝總在下如擁劍
 珮越朝班時當嚴冬雪始霽古木寒瘦泉流慳梁僧
 遺墓卧殘碣宋帝廢塚埋深管六朝陳蹟不可問但
 見石老莓苔頽豪華歇盡形勝在劫火幾度燒空放
 鐵冠先生有道者往往入見騎黃斑相迎為指幽絕
 處淪茗留坐聽潺湲莫嫌痴客暮未返日墮江水鴉
 飛還欲營一遊豈易得長來不比山僧閑

洞庭山此首似蘇

朝登西巖望太湖青天在水飛雲孤洞庭縹緲兩峰
 出正似碧海浮方壺嘗聞此山古靈壤蛇虺絕跡歡
 樵夫濤聲半夜恐鬼夢石氣五月寒肌膚居人彷彿
 武陵客戶種橘柚收為租高風欲起沙鳥避明月未
 出霜猿呼中有林屋仙所都銀房石室開金鋪羅浮
 峨嵋互通達別有路往非人途天后每降龍垂胡神
 鉦忽響驚棲巖自懸日月照洞內古木陰蔽空朝脯
 風吹白芝晚易老雲帶紫泉秋不枯靈威丈人亦僊
 徒深入探得函中符玄衣使者不暇惜欲使出極蒼
 生蘇後來好事多繼往石壁篆刻猶堪摹千年玉鼠

每於桂棹眼目白相
盈一顏言亦甚佳

化蝙蝠下撲炬火如飛鳥玄關拒閉誰復到似恠衣
上腥塵汗勿言神仙事恍惚靈蹟具在良非誣我生
擾擾胡為乎坐見白髮生頭顱久欲尋真未能去局
束世故緣妻孥何當臨湖借漁艇拍浪徑渡先雙鳧
獨攀幽險不用扶身佩五岳真形圖夜登天壇掃落
葉自取薪水供丹爐此身願作仙家奴不知僊人肯
許無狂語醉發應盧胡

喜家人至 京

家人遠來如我歸骨肉已是故鄉非妻羸女病想行
苦塵土覆面風吹衣裝車日暮解牛軛呼燭買酒敲

隣扉客懷乍見不得語一室相對情依依昨初蒙
使者徵遠別田舍來 京畿小臣微賤等蟣蝨

召對上 殿瞻

天威詔從太史校金匱每旦珥筆趨彤闈春遊禁苑
侍 鶴駕冬祀泰時隨 龍旂有時青坊坐陪講宮
壺滿賜露 恩輝草茅被寵已踰分不才寧免誚與
譏海鳥那知享鍾鼓野馬終惧遭籠鞶江湖浩蕩故
山遠歸夢每逐鴻南飛常時出院就空館僮僕愁對
語者稀知君在舍亦岑寂歲莫雨雪吟蛩蟻今宵得
見信可樂如獲美饌飽我飢但憂兄媿尚遠隔言笑

有此損拙容才此一
路直叙

把從至京直叙此意
故只月一筆詳叙

未了仍勤。秋何當乞還棄手版。重理吳榜。尋漁磯門。
前親種一頃。稻婢供井臼。妻鳴機。秋來租稅送縣畢。
秫酒可醉。鷄豚肥。誰言此願未易遂。
聖澤甚沛。寧終違。

題茅叟夏山過雨番

前山冥冥雲欲開。後山隱隱猶聞雷。江南六月風雨
過。樹暗不見巫陽臺。奔湍衝斷石橋路。下瀉谷口相
喧。陰開林壑鬼神去。氣濕古洞蛟龍回。人家出門
看新霽。泥封墜果多。揚梅漁樵欲歸。謂已暝。返照石
壁。蟬鳴哀。山中此景誰解寫。茅翁素有丹青手。新圖

可為字記之便轉列

而幅可過字之神後
幅不多級有法

一片似海岳。高堂未展涼。先來嗟余久。遂揮汗客席。
帽障日趨黃埃。問翁幾欲東遊去。如此畫圖安在哉。

象

海山巨獸堪乘戰。番使前年遠來獻寶。纓絡錦襜
垂拜舞。如人向金殿。仙仗時巡出鳳城。車輿頻駕不
曾驚。有牙莫畏焚軀禍。天子深仁愛尔生。

太湖石

沒人采石山根。湍投身下試飢蛟。涎馮夷不解護潛
寶。幾片捧出如青蓮。寒姿本是湖水骨。波濤激擊應
千年。初疑鬼恠離洞府。珊瑚鉄網相鈎連。嵌空突兀

通首三之一字字

多異態雲吐夏浦芝生田龍鱗含雨晚猶潤豹質隱
霧朝常鮮清音叩羅磬韻遠微鬻洗出珠窩圓坐移
各岫置庭砌日照彷彿生紫烟三峯削成泰華掌一
穴透入仇池天醉中時到倚蒼巒秋風冷逼吟詩肩
洛陽園墅汴宮苑當時駢列誇奇妍黃羅封蓋素甃
累萬里貢餉勞車船奢游事歇家園廢盡仆荆棘荒
池邊人生嗜此亦可笑有身豈得如石堅百年零落
竟誰在空品甲乙煩題鐫又嗟此石何獻巧自名鑿
取虧天全不如頑礦世所棄滿山長作牛羊眠

北山觀猿

上下如罔繩不粘

娑娜字不絀

黑衣公子何娑娜飛桂枯梢不愁隨幾迴呼下白雲
閒拋賜會嘗內園果家鄉何處是巴西回首烟蘿望
欲迷料得孤舟江上客月明少聽一聲啼

會客成均汲玉兔泉煮茗諸君聯句不就因

戲呈宋學士

白兔如嫌桂宮冷走入杏花壇下井嫦娥無伴每相
尋水底亭亭落孤影曾搗秋風玉臼霜至今泉味帶
天香玉堂仙翁欲飲客鹿盧夜半響空廊齋燈明滅
茶煙裏醉竟忽醒松風起只愁詩就失弥明殘雪滿
庭寒似水

謝友人惠梵羅被歌

變工細擘水蠶蠶織得長衾謝縫剪蒙茸柳絮不愁
吹鋪壓高床夜香軟朔風入閨凋白榆塞寒此物時
當湏明燈熾炭文宴罷薦寢宜共紅氍毹海客揚帆
遊萬里得自崑崙國中市歸來遺我見遠情重似鴛
鴦合懽綺詩人鶴骨欺霜稜會直禁署眠青綬白後
身退得閑即只愛擁絨同山僧今朝得此何奇絕展
覆不憂兒踏裂便思清夢伴梅花靜掩寒窓聽風雪
越羅蜀錦安可常洞房美女謾熏香誰知一幅春雲
煖即是溫柔堪老鄉

蜀三志相接而不出
層次井然

偃松行

龍門西岡魏公祠祠前有松多古枝長身蜿蜒橫數
畝巨石作枕相撐撐春泥半封朽死骨凍鮮盡裂皴
生皮無心昂聳上霄漢偃仰獨向荒山垂蟄雷破岳
撼不動千載一夢醒何遲政如卧龍未起日深意有
待風雲期太湖月出照夜魄天峯雪積埋寒姿濤聲
時吼若軒息野老驚起山僧疑左伸石屈多異態天
自出巧非人為畫師安能把筆寫樵子豈敢操斤窺
杜陵枯柵已憔悴蜀相老柏非瑰奇何如此樹恠且
壽呵衛定想煩靈祇不知已閱幾人代游客過盡今

存諱明堂屢興不見取得全正愛同支離我嘗來觀
忍遽及醉坐其上高吟詩為被筇竹亦騰化神物終
去可久焉何當一叱使飛起載我萬里游天池他年
還訪舊城郭正是白鶴歸來時

白馬澗

白馬何不居天閤乃在古寺長松間竒姿不受世羈
絡遠自竺國馱經還澗邊飲罷寒雲起恍惚化龍跳
入水空山夜雨不聞嘶埋沒蹄痕紫苔裏高僧一去
今幾年世上神駿還誰憐莫令老逐風塵子憔悴哀
鳴涂路邊

身成之身亦不似

贈治冠梁生乞作高子羔舊樣

野人散髮秋半稀小冠宜著稱短衣清時無能耻
恩澤朝簪乍脫歸田扉進賢我我在頭上此物須當
付卿相閉門方欲誦詩書煩君為製依吾樣

賦得烏衣巷送趙丞

差差舞羽多光彩矜知國初辭度雲海江南門巷有題
名識得當年故巢在春風三月滿京華官人尋常
百姓家隨鶯已度龍池柳引蝶還穿鳳苑花綠蕪
芳草長干渚樓閣初晴社前雨江邊今日有離宮留
人看上墻頭語

宿蔡村夜起

四更鷄叫七星爛獨起開門候天出月掛愁邊人影
低風驚夢裏鳥群散孤舟嫠婦寒自泣破屋老農貧
屢歎早冷欲發未違安客路飄零正多難

客舍雨中聽江鄉吹簫

客中久不聞絲竹此夕逢君吹紫玉斷後哀鴈總驚
啼我亦無端淚相續數聲嬌嬌復鳴嗚散入寒雲細
欲無愁望洞庭空落木夢遊秦苑總荒蕪曲中只訴
君心苦道入聽更悽楚關山燈下歎爵臣江海舟
中泣嫠婦憶昨閭門費酒貲玉人邀坐弄參差彩霞

深院花開處明月高樓鶴去時如今忽在他鄉外風
雨寒窓兩憔悴恨無百斛金陵春同上鳳凰臺上醉
始知嶰谷枯篁枝中有人間無限悲願君袖歸挂高
壁莫更相逢容易吹

午日有懷彥正幼文

去年歸鄉過重午柳雨莎風滿南浦白蓮閣上與君
吟遙憶徐君隔淮楚今年風雨又端陽却在秦淮憶
故鄉徐君已歸若相見應言前事一淒涼客愁欲斷
翻長咲人事推遷古難料明年未省又何之一盃且
聽江南調

姑蘇郭咏孝迪自序之余得自京師屏居松江之浦出
藉故宿賓客不至周門默坐念自適以郡志觀
蘇郭山以產柳園地墓之墓南常陽子中烟州
恭之向求其感哀與廢之故不故無所感于遂采
生著去其賦咏之合古今諸体凡一百二十一首洪
武四年十一月乙亥史官高應序

